

九百八十一卷
九百九十一卷



文苑英華卷第九百八十一

祭文四

交禮四

祭吏部元郎史文一首

祭壽州張使君文一首

祭揚州常大八文一首

祭常炎端公文一首

祭賈尚書文一首

祭相里造文一首

祭滁州李賤子文一首

祭裴尚書文一首

祭李員公文一首

祭陸端公文一首

祭吏部元郎文

年月日禮部

又郎獨孤及謹以蔬飯壺酒敬祭於集作于故吏

部郎中元公之

靈上士齊死生下士愛生惡死而惑之知生死

若幻而不能忘

情於其間者我輩所不克免始者與公同弔死

問生論議亦類

皆及此豈謂言未絕口而公又長往昨日經過

遽成疇昔者變化之速乃至於是視俛及瞬言不容集作息鳴呼元君今已返於機夫彭祖殤子同歸於盡豈不知前後相棄達生者不為嘆公齒髮未老官途方半相視而笑冀前路各有所展豈圖間閔數日而死生間之竹林如故階塵未掃唯人琴兩亡影絕響滅湯湯清絃豈可復聞承以令辰將赴瑩闕痛天道之無集作休予豈無言而悲來從中遂集作遠復抒意匪祭也未以為別也尚饗

祭壽州張使君文

年月日舒州刺史獨孤及謹以清酌嘉蔬柔毛之奠敬祭二字集作薦于故尚書工部郎中壽州刺史兼侍御史張公之靈頃者部符為郡與公鄰邑祗役往復日以携手嘗辱嘉惠愛我則深柰何此集作故別後盈魄未周相去無山川之間終聞嬰疾遽告不幸古

詩稱一息不相知今而果爾三字集作乃爾耶別時高論精義在爾袖中尺書灑翰猶濕而形影驟滅了無還期雖欲効古賢謂悲哀為怛集作怛非化情莫可過徒虛語耳惟公貞几温毅強學好古人皆窪而盈曲而全公獨以全真集作峭直接物雖悔悛不改其度人多求田問舍公獨以百家言為寶藏書至八千卷而不止以斯道也施於集作子有政故其德形于事業其仁夾于百姓楚人壽人如得陽春識者揣公壽與位偕今也溘焉而人何望嗚呼王事拘限會葬莫及思賢歎世執紙涕零若父要之不我忘也豈不顧饗於今日蘋藻之奠尚饗

祭揚州常大夫文

年月日朝散大夫檢校尚書司尉員外郎三字集作郎中兼舒州刺史克本州團練守捉使賜紫金魚袋獨孤及謹以嘉蔬柔毛之奠敬

祭于故揚州大都督府長史兼御史大夫淮南道節度觀察處
置使常公之灵王命九伯底綏四方惟公部符作藩維楊往歲
斯匪迪匪康自公戾止視之如傷飾吏以儒出言有章革剗煩
苛載戰暴強將吏奉之集作君若網在綱罔或威以紊典章集作民斯
輯睦政亦允臧和氣被物豐年降祥天之輔仁公宜熾昌柰何
不淑景命遽殃集作百城悼心萬民何望及忝列城備守封疆獲
宥罪戾庇身餘光德宇所覆今也則亡偏思遺愛追蹈一作餘芳
俛仰興懷望慕悽涼拘限所職路阻且長遙抒下情旨酒一觴

祭常炎端公文

前人

年月日司封郎中兼舒州刺史獨孤及前舒州司馬皇甫曾等
謹以清酌庶羞之奠敬祭于故御史舒州桐城縣丞常公之靈
昔公執法桂下某等接足集作武周行常集作嘗趨後塵飽聽公議及既

出守曾後播遷公亦負譴玷玷字即集作點官辱同官為寮之好敢不知孝

弟忠信強毅正直樂善唯恐不及嫉惡不集作去不止分枉直於

心職集作識以澄清為已任形於造次發於自然謂必肩壽且鍾介

福柰何強仕集作壯之年大才先謝志業所趨未申萬一有生之涯

溘然永已慈親羸老弱子未亂反葬無望委醴集作他山等為歸

直難集作痛太甚天不我弔哀有何極某等頃嘗以罇酒豆肉數

君同歡今之所獻猶前罇也但夙昔志氣比來話言遽悉冥冥

無非夢想往既不及來莫我集作以抒永別至苦集無此天闕之痛

夫復何言尚饗

祭賈尚書文

大歷七年四月二十七日朝散大夫檢校尚書司封郎中兼舒
州刺史賜紫金魚袋獨孤及謹以清酌庶羞之奠敬祭于故散

騎常侍贈禮部尚書賈公六兄之靈嗚呼性命之源仲尼罕言
頃者與兄存而勿集作不論亦謂景福必鍾德門未虞昊天驟思我
斯集作欺是所以分手容易前期日往書札祗嗟別離孰云別中死生
間之賈生謫去遭世不用以命問鵬千古猶痛兄逢盛時任適
梁棟青雲咫尺巨鱗始縱溘爾中止俄同大夢天下孤望非兄
誰勸追念夙昔嘗陪討論總集作綜覆微言揭孔門匪究枝葉必探
本根高論拔俗精義入神誓將以儒訓齊斯民文章陵夷鄭聲
奪倫兄於其中振三代風風復為朴集作復正始是崇學者歸仁
百川相宗集作始六義炳焉自兄中興大名全才儀形百工嗚呼
彼天胡不祐焉集作賢闡茸譏謏或錫永年好學不違繫兄復焉集作然
豈天地不仁將斯民薄祐顛顛之望見奪何遽某獲見於兄三
十有六年矣兄有十集作七年之長家以伯仲相視博文約禮為集作謂

仁由已同心之言期於沒齒前後尺牘羅列案牘惜惜清論况
况在耳一旦如天萬年集作事邐已民之所望今也胡俟某守職拘
限會喪集作葬願乘白馬素車欲往無陞寢門一號心酸骨悽容微
自此永不復見若魄魄無不之也豈不覩平生心於本日斗酒
之奠乎尚饗

祭相里造文

前人

年月日舒州刺史獨孤及謹以清酌之奠敬祭于河南少尹贈
禮部侍郎相里公之靈嗚呼往歲嘗與公度論死生變化豈不
知身與萬物悉當歸無猶謂不惑于道者可以不奪其算豈圖
論猶在耳目未及隣而公度之身傷為異物益知觀化而恒集作恒非
自古皆妄而哀來從中妄豈易譴嗚呼公度有志有文量足齟
世善可救物賜言語冉季政事古莫兩大繫公兼之伊昔密

薦可否廷折克倭京師童兒亦知公名其後江人抗人頌德不
暇洛表耆老僕公而蘇秉公論者無賢不肖執不謂公致君致
身方自此始柰何吉未會也凶問隨之天下悼惜士交悽歎况
其投分於策名之始並命於剖符之列久要不忘平生實唯公
度是望心同病同集作同我心同病我身子身也子與化往柰何心何名跡
留為政集作事語集作言存乎耳目唯音形眇忽無前期可望每一
念至哀填膺臆往矣公度去我何之勿言一罇永集作共特儻肯
顧饗表公我思尚饗

祭滁州李庶子文

年月日常州刺史獨孤及謹以清酌嘉蔬之奠敬祭于故右庶
子滁州刺史揚州大都督府司馬兼侍御史隴西李長夫之灵
嗚呼才與上壽并者吾不得見之矣得見中壽者斯可矣嗚呼

長夫曾未半之官不展才事不如至奄謝昭世溘歸黃泉雖欲
茹哀哀可茹乎追惟長夫行茂神俊孝愛友睦諒直仁勇卓犖
夸邁英明曠遠集作文武志略邦家必聞為州治行居百城之最
詩賦歌事窮六義之美休聲喧于里巷佳句彼于管絃珪璋令
問中外注耳謂當入拜九卿出入四岳萬人所望一旦中止行
路悼惜豈直同心者之心滄洲長挹之談玉溪獨往之興集作竟
迫身世永孤志願集作儻竟而有知當飲痛泉下往歲滁城之會
俱未以小別為感集作臨岐道舊坎坎鼓我酒酣氣振言盡歡甚
孰知此際以是未訣今萬事如昨日集無書禮猶新唯故人音容
不可復見悲莫悲兮生別離况長往之別乎王事拘限莫由執
紼庖酒豆肉後會無期彼蒼悠遊者何之長夫長夫竟兮未思
尚饗

祭悲尚書文

嗚呼天禍既邦尚書告夢哀哀既民罷市輟春何時復覩盛德
形容伏惟尊靈惠和溫恭識洞元龜文掩雕龍天生大賢叶贊
時雍至人馱世寥廓爲友精神不留天地長久谷神不死是月
長生伏料尚書上賓天庭悲號者何在物之情頌公據道夙負
重名奚自成材歷拜通榮五十餘年侍奉承明隨難西蜀技定
頃有唐中興累踐銓衡朝廷擬公三老五更上憂方隅出典百
城淺學自私掩善揚義我鄙尚書近仁不已昔在春宮先我大
國鬱興多士周易有云黃中通理其斯謂乎自我江潭于今多
秩處順保終洗然自逸上官命況糶鹽蛟室奄居黃泉不見白
日顧惟陋賤時承周客感德懷仁同時終畢神儀超忽靈駕徘徊
敢申簿禮以表深哀伏惟尚饗

祭李員外文

古人哲人銅鞮介山抑下藏文先生企之密爾四隣逢時不昌
與世遭迍先生淵然金碧無塵通識殊倫精義造神退居江潭
節貫松筠皎皎先生蘭言玉身詞林搖落天地空春宜與太一
上爲帝賓若商傳說例列星辰天將以公經濟生人不幸天喪
斯文斯文既喪嗚呼郢匠先生遊矣何人知況如況何人升堂
誘進造次無爲樞機必慎跡暢高節心融密印詞不能豁其膏
襟故春容於絕韻而亦口歸菟毗陵猿櫬可勝悲哉心喪自何
身沒炎洲先生大歸赴哭無由古之達者以生爲浮先生徂征
與化同遊四節不留物無長在寂寂實陞人遷事改陶潛自祭
管輅知終本師瞿曇了達虛空初命少子昏冠先作禮兆祭一作深
哀疑作聖朝悼歎儻遂追崇忝友季茂休戚輅同北望丹徒山險

萬里文非尺牘鬱寒盈甯想公形容昭况肅恭尚饗

祭陸端公文

前人

維大歷八年正月朔同卿顧况於永嘉發使具單蔬野酌敬祭
陸三十二兄端公之靈嗚呼接席之歡俄成奠酒殊卿少別杳忽于
今牽拘南役遠哭加淚一作度兄秉德居厚植靈超茂天和發外虛
白自內特挺孤操與物去害惟昔二京郡盜縱橫出入十年天下交
兵越盜寇吳殺人燒城國危如此公乃請行我之行焉無往不平
擁陣陵陽迴戈歛右江南山洞略盡遺醜巨敵先摧郡降獨受
兄之令弟况之良友感激風雲留連詩酒昔魏有人子方段于
兄之所在人心獲安賢者讓平惟患是急兄之忠勇人莫能及
燕將泣書齊師復邑迹為功着名因義立惟帝念功君門遂通
臺閣生風乃憶江東高臨山中有書滿屋與人共讀有粟如雲
與人共分破富為貧好事日間靄靄牛潭峩峩囊嶺關流架迴
倒寫煙景今日淒涼林空夜永人或言吉凶無門我命由我
况之才何適不可寧知一旦忽鍾茲禍鴻翔千仞自茲而而墮
嗚呼哀哉伏尚饗

文苑英華卷第九百八十一

登仕郎胡 柯

鄉貢進士彭

叔夏 校正

文苑英華卷第九百八十二

祭文五

交舊五

祭李員外文一首

祭福建李大夫文一首

祭皇甫大夫文一首

祭獨孤常州文一首

祭李際洒文一首

祭孟尚書文一首

祭劉侍御文一首

祭李處州文一首

祭竇廬州文一首

祭柳侍御史一首

祭屯田柳郎中文一首

祭海陵李少府文一首

祭李處士文一首

祭李際洒文一首

祭薛殿中文一首

為常州獨孤使君祭李員外文

梁肅

維大歷九年五月日朝散大夫守常州刺史賜紫金魚袋獨孤

某謹以清酌之奠祭于故尚書吏部趙郡李選叔三兄之靈嗚

呼疇昔之年接兄討論倚伏之數或尋其源當集本文謂仁人百

祿滋蕃如何於兄斯道莫存文粹作斯嗚呼哀哉惟兄孝友仁恕

高明寬裕何德之茂何才之富粹氣積中暢於四支發為斯文

郁郁耀二本輝自五百年風雅陵遲假手于兄鬱為宗師乃登憲

闈直以舉之乃列諫臣闕則補玄宗季年戎狄肉侮兄方執養

拘二本在豺虎氣霧濛濛薄汗我躬雷兩作解遠身于東帝日孝

哉可移于忠名彰二本右掖跡踐南宮立明有二本恥玄晏方病清

漳閑卧樂道推命哀于大賢不停二本大年人之不幸天亦何言

在昔賈生見惡絳灌王佐之用不展於漢我之方行遭世紛亂

時塞道塞二本古今一貫嗚呼哀哉某以蒙蔽夙承眷惠義均

伯仲合若符契博約乎文章集作之間仁本優游性命之際謂得獲

手相期卒歲天其喪予君二本則先逝嗚呼哀哉曩自朝列出使

持節文粹十年離別一旦存歿吳楚迢遞江山阻越不及歸賻

粹作贈仍乖執紼寢門一哀竟斷心絕恭承嘉命來牧于常

總帳所二本在哀何可忘鞠然二孤訴彼穹蒼孰謂遐叔與天

茫茫竟多歸來二本臨此一觴嗚呼哀哉尚饗

為獨孤常州祭福建李大夫文 前人

年月日具官某謹以清酌之奠敬祭于故福建都團練使李公

之靈嗚呼宗佑儲祉元純降氣炳靈於公才全德克寬仁愿恭

高節集作昭融文學政事儀刑王風帝謂叔父閩實下國出作

侯伯尊之以德內撫罷人外攘剽賊文武為憲柔嘉是則我教

用宣我民既安佇登巖廟為國羽翰彼高者天胡莫祐賢人之

云亡曾不永年嗚呼哀哉某往忝諫臣在公下列周旋獻納以

日繼月海運方遠搏風未歇不慮不圖音徽已沫暮律嚴苦降
霜肅殺臨岐一觴以抒慘怛嗚呼哀哉

為獨孤郎中祭皇甫大夫文

前人

年月日具官某謹以清酌之奠敬祭于故浙西東觀察使皇甫
公之靈古人有言智仁及勇是謂達德大夫蹈之以衛玉國乃
昔天步未夷六師徂征嘗扞牧圍戮彼醜虜勇也及夫窟堅擁
兵窺伺樞密公沉謀內斷輔德不穢智也公陝牧越統戎鎮俗
承其風者莫不寧息仁也議者謂公方為國翰垣為人父母宜
賜難老荷茲介福命之倚伏曾是不淑豈夫天所集作奪仁所
欲大旆長轂東征不復如彼魯侯往歌來哭嗚呼哀哉某頃與
公相遇于斯今也言歸投吊於斯泛泛方舟旅集作載裳惟晏
晏集作言笑今成涕洟道路遠而音塵絕而旨酒一觴惟靈饗

恩嗚呼哀哉

祭獨孤常州文

前人

大歷士年歲次丁巳五月朔日門生安定梁肅謹以清酌庶羞
之奠敬祭故常州刺史河南獨孤公之靈嗚呼間氣炳靈降生
哲人何辜今人而喪斯文豈上天不仁而道之將廢奚盛德之
淳懿忽中年而下世蹈得仁之幾顏子不幸負王佐之材賈生
屏外其明尚晦其用未大藏舟遽移梁木斯壞嗚呼哀哉追惟
哲人應運而生行佐五常志在六經博厚溫良直方而明天縱
多材蔚為時英孔門四科洪範三德愬于公躬率履不忒頌聲
既微鄭衛亦集作塞或游或僻時億公當其時載振其維
憲章典謨為學者元龜文哉郁乎文實在茲伊昔策名東堂作
尉西華銘仙掌文函谷馳休聲於天下逮乎拾遺君前考禮太

常獻可之詞直而含章達言削藁故海內莫揚旅議廟祧乃正
謚法享帝之禮焉允洽名正言順事深體合垂後可大賢人之
業起草部符出臨濠舒二邦之民俟我而蘇愷悌之化風行露
濡蘭陵之郊人散政弛清淨之德下車則治北迹邵父視人如
子闔境熙怡有禮知恥朝思黃霸人仰安石霄漢在目巖廟咫尺
不留下處坐而遐舉不慮不圖忽焉傾祖遐邇震駭士民號
呼罷市輟春相吊路隅嗚呼哀哉顧惟小子慕舉文史公初來
思拜遇梅里如舊相識綢繆慰止更居恤貧四稔于此嘗謂庸
曰爲學在勤爲文在經勤則能深經則可深行吾斯顧言勉予
有成又曰文章可以假道德可以長保華而不實君子所醜教
服斯言敢忘永久若乃室中丞文之席林下清觴之醪陪李膺
之泛洛從叔子之登峴丞承國士之遇又忝公車之薦奉明誠

以周旋盡深秉於眷躬惟吉凶之倚伏若糾纏之相纏追子鵬

集作庚子之占日應康成之夢年不云坐奠不暇撤懸秦醫匪集作靡

救丘禱徒然瞬息之間音容莫傳痛心驚骨不可問天嗚呼哀

哉平居所好脩竹芳草暇日之娛左琴右書微言雅典集作曲斷

而集作話斷不續高齋已空蘭蕙猶馥門人行慟稚子抱哭語集作話

言在耳悽慘滿目嗚呼哀哉覽遺編以流淚集作涕痛明德以集作

無還撫諸孤之尚貌庶盛烈之斯存卿路千里歸期九原寄觴

豆以寫心見平生之厚恩嗚呼哀哉

祭李際酒文

前人

年月日守右補闕安定梁肅謹以清酌嘉蔬之奠敬祭于故國
子祭酒贈戶部尚書李公之靈惟公之德柔嘉惟則敬義且直
惟公之才文武是該不矯不回剖符七郡風行雨潤有禮訓連

撫二藩如江如漢之屏之翰數聞帝庭爰用陟明乃司成是親

集作是行時則不幸遘茲大病薨于道路孰識天命嗚呼哀哉

追想曩昔大曆之中獲見君子吳江之東靡適不隨有會必同

于山于水于野于寺提携宴喜荏苒半絕鎮南方奄征江黃乖

離兩鄉道阻且長惠而好我簡牘相望于囊于箱厚意是將淑

人君子方懷允不忘謬繫纓組列于朝序望集作公之來寢寐

斯佇方期款遇爰笑爰語豈意長往集作終焉莫睹寢門一慟

集作意折神沮誰云少別便是今古嗚呼哀哉古人所稱日仁

與誼君子之道在功與事邦憲之推元侯之貴存有盛美沒有

遺懿所恨伊何壽猶未至所悲伊何人失其疵嗚呼哀哉九原

連連乃在三原日月有時宅兆攸安某近職是拘執緋無

緣寄陳薄酌有勸何言嗚呼哀哉尚饗

為雷使君祭孟尚書文

前人

年月日具官某謹以清酌之奠敬祭于故福建觀察使兵部尚

書贈右僕射孟公之靈嗚呼上天集作不仁公薨于位岳鎮傾

圯士林殄瘁追論茂德忠敏恭懿仰惟盛才文學政事昔在天

寶濫觴登朝爰自集作中興鴻飛乃高入覲京師出司藩條便

繁中外聞望光昭我后統天式張百揆公居右轄實摠聯事推

轂西郊兵符假寄俄被集作蟬冕為王近侍無諸舊城人窳地

僻詔日爾諧出作侯伯敷求民瘼宣布王澤嶺表海壖夷風載

華天下謂公耆德盛名宜登巖廊為國老更方期集作三壽忽

夢兩楹天實不遺人誰仰成爰因集作七閩歸于九京當時大

旆今也明旌嗚呼哀哉某自宦學則趨明哲邦憲府庭再參下

列周旅惠好以日繼集作月不慮不圖有存歿皇恩軫悼寵光

集作昭晰邦人怨思祖奠悽愴談笑如昨音徽永沫臨岐
贈一觴以抒慘怛嗚呼哀哉尚饗

為杜尚書祭劉侍御史文

前人

惟公天挺貞淳肅恭溫仁以禮立志以道藩身惟靜惟動克儉
克勤正直自立家邦必聞久侍禁閑嘉名益振上日爾才監戎
于閩身許九重禮達三軍中協睦罔或不親朱紱煌煌映于銀
章方期奏報歸侍天王外迫炎瘴內纏膏肓不永斯年今也則
亡浮江涉淮遠窆舊疆丹旆翩翩言過維揚某早接公游乃弔
公喪追懷宿昔感涕沾裳秋日淒淒雲無光敬陳薄奠悲塞中
觴嗚呼哀哉伏惟
尚饗

祭李虔州文

前人

年月日淮南節度掌書記殿中侍御史內供奉安定梁肅謹以
清酌庶羞之奠敬祭于故處州刺史隴西李公之靈和氣訢合
乃生靈芝乃流醴泉降于人倫是為俊覽猗歟李公有德有言
煌煌九葩澹澹一源弱歲含章典校弘文聞喜太丘遺愛斯存
于越于宣先在西集作藩名高集作蘭臺風動輜軒濯纓朝再
踐郎官鴻鵠入冥白雲在天或謂盛才宜管司綸潤身謨訓以
垂後昆官無中人吾道不興留滯周南退守恭陵剖符于虔美
化斯弘雲油露濡山靜江澄解印歸來考槃是卜龍沙游衍餘
干耕鑿與道為徒以農代祿河洛讖緯拒譚不集作學草玄法
言揚雄有作志一窮通身安淡薄遇酒便醉工文且博脫遺形
骸奄孰冥漢士友歿瘁翰林彫落嚶集作鳴既合久要乃申四
海兄弟如公幾人公去南州角巾衡門子集艱棘哀慄苦辛眷

邱何深予問殷懃江湖眇然書札相因方期歲暮以德為隣今也則亡五孰與親鄧攸無嗣桑扈反真天道茫昧誰云與仁嗚呼哀哉我圖其室得公之出相維茂旅予以納吉眷彼三星成之不日魂而不亡知此親恥嗚呼哀哉季奉棠惟九原是歸葬于洛表路出淮夷平生觀愛一慟申悲已矣夫子忽乎何之旨酒樽幽明此辭尚饗

為杜東都祭竇廬州文

前人

年月日具官謹以清酌之奠祭敬於故廬州刺史扶風竇公之靈嗚呼惟天難謀惟命罕言倚伏同城吉凶一門公之茂行廉直而溫公之達財卓爾不群保身以正為政以仁宜錫難老集作壽考以庇斯民如何降克奄忽反真伊昔鄧朝厥猷則茂柱下執法南宮草奏赤縣浩穰集作壤四方輻湊惟公下車善政俄報廬江

曠守人或未康惠君既來美化洋洋治而有禮裨人有方予恭廉問實知循良將以上聞冀殊寵章命之不淑曾是隕喪嗚呼哀哉追想曩者接公周旋惠好斯好如蘭如荃問者睽闊東西累年會遇于茲談笑依然別未集作來數旬遽歸九泉孰為善殲此仁賢官守所羈祖奠無緣寄誠薄酌有恨何緣嗚呼哀哉尚饗

為人祭抑侍御文

前人

年月日具官某謹以清酌庶羞之奠敬祭于故侍御史抑公之靈惟公以孝友承家以貞方從政以溫厚行己以敬讓與人作掾大邦有親信之稱典司通邑著循吏之名冠惠文佐廉問輜軒所指吏肅風變列郡攸攝斯人以寧方將荷餘慶而介景福播令名而延大耋天不與善命也有終士林集作相駭親友歎

歡嗚呼哀哉某等獲與公遊聯職戎司適云少別我見凶歸于以設奠出乎郊岐魂也何之幽明此辭嗚呼哀哉尚饗

祭屯田柳郎中文

權德輿則

維建中二年歲次辛酉某月朔日試右金吾衛兵曹參軍權德

輿謹以清酌特羞之奠敬祭于故屯田郎中柳公之靈在集作

漢理平子陵退耕運鍾明時公遂性情典校司諫便蕃清秩南

宮之拜詔書三出中朝虛左公志不屈優遊化源消息心術四

時芬芳百諫精剛德克于中用晦彌光是非萬殊不滑其常和

易內蘊發于文章性命之際希夷之域理無不殊言必宜極救

彼文盛作為典式扶教立言實在清德時方逐進公則尚退文

武集作人外獎公則理內獨立不惑以身矯世萬頃淵然孰知

其際顧惟小子猥奉音徽賞則過實罰常中非自想德容心存

清幾人則不見涕流沾衣嗚呼哀哉人世則異清風不匱總帳

寥寥泉臺下闕常聞福善全也無嗣力命如何斯文其墜尚饗

祭海陵李少府元易文

前人

維建中三年歲次壬戌某月朔日試右金吾衛兵曹參軍權德

輿謹以清酌庶羞之奠敬祭于故海陵縣尉李君元易之靈我

得元易于茲三年粹秀清和仁義在焉行有餘裕其文粲然五

字之中含寫風煙巖扇舊隱常聞清興諸生討論雅有時稱初

盧羣德倫同理實歸研境無逃勝嘉招既至虛中以應從容解

市作尉江濱退以直道進無中人往志彌篤郊居食貧衡茅之

下孤石藜筍連牆者何則有元鈞元君名論探味玄奧踈適心

神脫獲觀止心乎愛矣扁舟往復就館于子靜實煙霞深窮多理

友直友諒惟君是以集作已行不苟容必俟良工錢繫絕足積閉
銛鋒竟嗟不試一命淪蹟身沒跡晦靡申素志惟富與壽君則
不至人皆有子君君獨無嗣總惟飄飄虛坐深閤幽顯此殊鳴
呼元易尚饗

祭李處士穰子文

前人

虛坐

集作靈坐

維貞元二年歲次景寅十月朔日誠右金吾衛兵曹參軍權德
輿謹以時羞之奠敬祭于故李處士十六兄之靈惟先吏部文
德冠時天下翕然有所宗師鍾美於兄式克似之爰自稔歲澹
然清姿惟我與兄世有舊歡應若損篋茅若之蘭居芳處厚中
明外寬祭於濬源激為清闡放懷外物清機善諳討論不倦名
教為樂迭用古義以相博約先王觀風命史陳詩雅南之後其
道日醅醞楚怨思王風澆夷升降之義與代相隨國朝數公稍

振舊風兄實求已服勤方此敷陳麗則不野不史含馮佳境優
遊精理七發未終俄驚不起追惟前年訪我由集作拳拳握手開襟
慇懃欵言孰謂此訣死生間焉今我來斯舊管依然文伯既歿
敬姜哀慟子敬下世徽之永痛嗚呼哀哉流形賦命孰主張是
昏嚚闔茸或壽或貴方直清明天乃否如何斯人才命不作未
室未仕盍以集作與化具志業靡申沉痛泉壚福善與仁胡其忽
諸嘉肴在籩旨酒在壺竒此一慟汎瀾涕霑尚饗

祭李祭酒文

前人

維貞元七年歲次辛未五月朔日故故前江南西道觀察支使
監察御史秉行權德輿謹以清酌時羞之奠敬祭于故國子祭
酒李公之靈伏惟峻閣洪宗有榮有忠光耀北朝黎申繼封世
名清純以至先公彌綸盛時德位昭融文武吉甫克嗣其風儲

慶發淳擇乎中庸天寶中年仕無異門講道積學五經紛綸以
能詔集作設非官校理秘文温若玉質郁如蘭薰絃琴峩峩擁傳麟
麟兩無留事並著嘉聞題輿佐理部竹爲政均彼化條簡其徵
令風行草靡飲和發咏難理之時四封謐靜累遷大郡亦佐成
師宣其馨香蠲彼厲疵時有行之道無磷緇虛中十年觀我靈
龜大君嗣位推擇良守乃拳止潑作蕃夏口報政獻功察廉一
方再奸大慙以完南邦盡殪舟師王旅乃張衆寡相懸以律而
戒就加副相乃鎮西江來懽去懷金石洋洋剛柔全德蹈履不
忒外無牆藩之峻中踐夷垣之域爲仁由已率誠不飾播厥
美利根于易直災去水火人滋衣食流庸胥附生齒益息亦既
七年慰安斯人冲用知止封章乞身朝典崇儒徵拜成均遽難
夢奠俄驚返真猥以蒙蔽再塵盛府重問緝禮蓬茨之下惠愛

博一作悼非約深誠見與左右彌縫愧無所取九江拜手決日前期

如何奄忽過隙生悲羊公峴首良會無時庾亮樓中永絕清機
前歡幾何圓魄絕缺承訃長慟潺湲涕咽返葬迢遞西周古原
柳車芻靈飛旄翻翻體魄則降德馨長存拜奠心碎難酬舊思
尚饗

祭薛殿中文

前人

維貞元七年歲次辛未某月朔日前監察御史裏行權德輿謹
以清酌庶羞之奠敬祭于故殿中侍御史薛七兄之靈有生必
化大鈞之方盛極而衰乃理之常又曰善慶鍾爲福祥今則繆
鑿天乎茫茫追惟明靈夙播馨芳解巾秘府累冠神羊清明之
用百鍊堅剛麗藻之文六律鏗鏘嘉言婉婉令問章靖恭端和
休有取光纒踰強仕未踐周行衆情顛然日遲騫翔早維通舊

已歆馨香晚忝嘗集作寮載換星霜府庭同舍居室隣隣切劘惠
愛何可弭忘憶昨從公沿泛長江賓榻初散雲帆並張晨登佛
廟晚眺漁梁善諳理窟清言智囊既濟江浦俄驚府棗同觀未
幾今也則亡古稱臧孫德遠流長遽歎伯道永絕烝嘗嗚呼不
傭難究蒼蒼上歸元莫集作無莫下閔幽荒呼天者凡晝哭者孀琴
書已矣行路悽傷柔嘉倍邁澄齊蒲觴神其格斯揮滄浪浪尚
饗

文苑英華卷第九百八十二

登仕郎胡柯

鄉貢進士彭

叔夏校正

文苑英華卷第九百八十三

祭文六

交舊六

祭包秘監文一首

祭呂給事文一首

祭梁補闕文一首

祭韓祭文一首

祭廬州文一首

祭戶部崔侍郎文一首

祭獨孤常州文一首

祭獨孤台州文一首

祭張工部文一首

祭賈魏公文一首

祭唐舍人文一首

祭杜岐公文一首

維貞元八年歲次壬申五月朔日故吏金部員外郎蕭存太常
博士權德輿大理寺丞王純等謹以清酌庶羞之奠敬祭于故
秘書監包七夫之靈在羨鴻臚蔚為名儒以續簪裾乃生秘書
純誠抗直古訓是式納忠宣力有勞王國昔自秀造翰扶搖彌

綸鄴曹領袖清朝出入諷議嘉聲孔昭道集作塞通特乃藩條

俄復郎署俾均繇賦經費委翰待公而具受命匪躬于汴之東

秩宗之貳司憲之雄鸞輅時巡關梁未通每以真勝行於儉中

登賢未舊入佐司寇中和直清塗與實并乃忽師氏三德輿行

又領秘丘六藝章明嫗息文囿優游漢庭韻振俗清機入賢立

言大旨為紀行中集作文質不華不俚魯史一字詩人四始沂

其源流用制頽靡以詎藩身與道為隣虛中皦然不棲緇塵動

靜專直儀刑縉紳得喪虧成靡滑吾真宜介避福宜受惑谷未

及下壽胡為不淑遺孤藐然銜恤茹毒善慶不誣期於必復某

等劣薄嘗承討論通世宿好嘉招厚恩舞雲春遊昔童子峴首

良會俄叨知己歲月遄邁或行或止慰薦難忘音徽不已各忝

官命集作來歸帝里話舊語新悲歡未幾驚疾癘之潛遠冥無

忘而有僖信宿之間格言在耳精音不亂達生大觀謝醫禱於

門人順一氣之聚散大鈞無期化往何之國殄瘁古今悽其虛

實寥寥總帳披披哀從中來雪涕交揮柔嘉列籩清沽集作滿

卮神之聽之噫嘻格斯尚饗

祭呂給事文 前人

維貞元九年歲次癸酉正月庚辰朔二十一日庚子右諫議大

人陽城給事中徐岱李衡中書舍人奚陟尚書駕部郎中知制

誥張式左補闕權德輿等謹以清酌庶羞之奠敬祭于故給事

中呂公之灵君子之道貫乎艱貞公用踐履剛中粹精文學政

事蔚然時明出處屯夷用晦而明命佐戎車集作命佐戎命佐戎彼淮甸

方國多虞妖氣一作潛煽每以明誠異其革面外蒙恥以枉尺

中飛章而告變白刃臨前丹心炳然貞某困而後濟全祿診既

平忠勞亦著草奏南宮嘉聲載路出領符竹澄清遠部夕拜黃
扇昭宣王度獻歲朝天待立君前華櫻玉珮竹止鏘然周旋陟
降接踵差肩如何累日奄闕重泉嗚呼哀哉寓形此世無非大
夢寢門之外莫甚斯慟交歡幾時踰月于茲每冀休沐相從讌
私孰謂奄忽俄生癘疢醫禱不及形神已離某等或辱在嘗集作
寮或忝陪下列嘉集作雲霧之初披恨幽冥集作之遽訣瞻塗
芻彼言施洛都平昔志集作氣復歸虛無酒肴靜嘉盈俎蒲壺
何以道意潛然涕濡尚饗

祭梁補闕文

前人

維貞九年歲次癸酉十一月朔日左補闕權德輿等謹以清酌
庶羞之奠敬祭于右補闕贈禮部侍郎集作郎中梁君之靈我思
古人乃得敬之今則不見嗚呼噫嘻賢哲之生作瑞于時中立

不倚大道甚夷人或多方以取世資君懼其至泊然靈龜激夏
遠矣文章運來風流不還作者蓋希君得其門獨沂澆醜避蹈
古始六經為師初冠章甫在江之滸忘形交臂或出又要之契
惓然相與直就切劘曠懷無阻漢廷虛左尺一旁午心與雲閑
冀隋風舉恬漠虛白環中之樞篤厚誠明君子之儒精義入神
英華發舒人所景行君之續餘乃補衮職乃時皇儲北宮密命
東觀直書致用無方迺及皆虛漸漬教化闔然而孚文武憲章
克舜典謨空結時望莫申令圖宜錫華皓以極其道鍾美實多
歸全太甲子淵之仁叔度之賢皆厚其才而奪之年吁嗟敬之
今亦已焉孰司化工不與其全凡我同人官次周旋微言嘉話
况若目前吾欲問蒼蒼而詐冥冥索夫于於重泉未如之何從
吉以然平生一樽哭奠靈筵魂氣何往空傷絕絃尚饗

祭韓祭酒文

前人

維貞元十年歲次甲戌三月朔日徵事郎守左補闕權德輿謹以清酌庶羞之奠敬祭于故國子祭酒韓十四文之靈伏惟德厚流光炳靈發祥傳慶於集作公鬱為珪璋宣力中外道光明代動必有裕直而無悔從容諫垣密勿絲言炳憲章潤色化源天集作官之貳京劇之貴四方取則九賦不匱蓬山秘書大學遵儒選重前代非賢勿居率是明德便藩右職宣其聲香昭其物則四科難並全才乃克利用無方沛然餘力再世金鉉確乎匪躬光輔帝道是為門風緇衣隸華宜復於公終缺人望天乎不傭顧惟小子夙承先反骨肉之契歲寒愈久爰自齧非深仁善誘恤此殘生均其所有衣而食之祿而仕之闔門仰給纖悉無遺仁惻之道曲尽其宜二十年間完安保持此扇多士忝跡

清時必由念慮敢不知思秦原蒼蒼丹旒遲遲精魄何往音容莫追沉哀激中雪涕交揮神覽如在含酸託詞尚饗

祭盧華州文

前人

維貞元十六年歲次庚辰四月己巳朔八日景子從表弟朝議郎守中書舍人雲騎尉賜緋魚袋權德輿謹遣使以清酌時羞之奠敬祭于故華州刺史御史大夫盧六兄之靈詩謂君子溫其如玉書稱正人既富方谷明靈比德清議所屬未極全才如何不叙追憶曩歲鍾陵嘉招尺時佐遷居佐乘軺幕庭山郭並榻連鑿心同則親敢日嘗集作察俄奏郡課復升郎位左掖斯密教官已貴殘骸被病土梗蓬累謝交辟以未能方屏居以遂板茅推谷邀翰集作古義七發粲然八行狎至詔下江干猥登禮官故集作蓬茨之輒生忽東帶於朝端暇日良夜清言舊

歡再披雲霧永其金蘭帝念長人出臨佐輔河潼襟腰復此居
部亞承相金龜映組美利休聲和風甘雨弱植何幸累叨禁垣
諫曹集作右史以至司言因緣踐履根本推援恐累知人上負
明息一違晤語九變涼溫日夕音微切劇討論發函疊疊如見
君子或言以規過亦善諱而溢美方集作登柄用以永介社每
驥首於公朝期盡簪於仁里俄驚感疾方俟有喜志切乞身恩
深臥理神道與善胡然不起寢門一哀孰甚知己素車莫遂雪
涕何已樽酒蓋貳深誠在此尚饗

祭戶部崔侍郎文

前人

維貞元十九年歲次癸未十月戊寅朔十二日己丑中書舍人
楊於陸禮部侍郎權德輿謹以清酌庶集作羞之奠敬祭于故
戶部侍郎贈右散騎常侍郎君之靈古之大觀推理以達謂生

為勞於化不恒苟非至人哀樂云云一欣一感松茂芝焚遐想
深契在於夫君素傷無玷黃中有文卓爾堅明皦然貞醇風以
聲實邁于群倫伊昔宦遊風塵不雜臆簪法冠並列賓榻夷道
可又炎交相合亦既府徐索然離居或憇循江或施練湖君初
卷懷寓彼群舒四年之間集作聯奉詔書分曹士師議禮太
子中堂奏議並列哀烏道舊放懷話言于于三登首曹乃貳松
徒相顧飛翬接影天衢顯允德業大僚是都凡我四人交歡靡
渝直諫是程中庸是或會公朝猶疑幕庭郭謂夫子奄然冥不
冥交臂相失沉瀾涕零入室數數孀孤之聲追懷悼心痛我生
密印左貂以衰以榮嗚呼哀哉命之所賦豈有其數乃如之人
洵美無度長日謂我文昌連集作步如何今茲已隴泉路疊疊
良話依依平素晦明再暮冥冥大暮萬事風燭九泉草露魂之

來多歆此薄具尚饗

祭獨孤常州文

前人

維貞元二十年歲次甲申十一月戊申朔禮部侍郎權德輿謹
以清酌庶羞之奠敬祭于故常州刺史獨孤憲公十四文之靈
嗚呼德充而位不配才大而年不避稽於賦命從古太息伏惟
蘊大雅之悖愷遵六二之直方作為文章律度當世繁如日星
灼若龜龍施於政事表率萬國三郡洽和四封鼓舞而不得弘
大志業歿於中年豈洪鈞造物使才命相整先師罕言未如之
何伏以夫集作先子篤忘形之契小人展無容之敬去世二紀清
風凜然顧以息女歸公愛子雖不獲逮事而備承家法况茲菲
薄實忝眷私辦方之年違雖於江徼志學之歲伏謁於郡齋典
司禮識嘗奉易名之議饗仰德門令承合姓之重話言誘掖造

次敢忘德容碩姿髮髯在目自為聲舉之舊今則藩揚之歡二
孤純孝遺烈鍾美鮮原改卜日月有時酒有靜嘉式薦靈位尚
饗

祭獨孤台州文

前人

維貞元二十年歲次甲申十一月戊申朔禮部侍郎權德輿謹
以清酌庶羞之奠敬祭于故台州刺史獨孤七夫之靈洪範五
福右人所貴伏惟道樞德機涵泳交卷解龜隱机讌息東吳晉
神而去物累觀化以順天理終始貞吉歸全返真不登期頤者
十數歲而已可謂康寧而壽以至考終命弘條集條政事遵職
居部泝浴澗河四為二千石朱轡輻輳所至洽平率誠理身以
化封內可謂攸好德其所以異者富於義而遠於利以楛直賙
姻族集婚作以清白遺子孫故即遠之日精祓緘具孤嗣藐然以

賻布裏事蹈道如是君子以為難介弟憲公挺此文德含章炳然與三代同風先門友善義比金石猶子秀茂申以婚姻引進琢磨居為雅器永懷感悅莫奉話言女子有行德奉門訓竟迫道途之阻未申供養之禮用此難慟結於中賜輜車東來大燧斯啓悉嘉清滌用奇單誠尚饗

祭張工部文

前人

維貞元二十一年歲次乙酉七月戊辰朔四日辛未禮部侍郎權德輿謹遣男璩以清酌庶羞之奠敬祭于故工部侍郎兼御史大夫禮部尚書張二十九文集作之靈士君之子之所以暢其業者文也學也士君子之所植其本者正也忠也綽綽工部寔由於斯起集作於逢掖乃執簡記章明義類振棄貶博物洽聞特稱良史可不謂文乎誕章成戎變礼疑議愁於古節適于

中郡士屬目一言以決可不謂學乎處燎原盜泉之中不焚不濡終然違難皁潔貞厲信信權幸惡厥中立一罹讒鑠遂去清近秘立十年不得自足可不謂行已之正乎出疆專對照耀原隰天覆之內無遠近集作君命之下無險夷再斗翟士乃蘇戎素暢威靈於大荒之外啓手足於野幕之不可不謂事君之忠乎年纔逾耳順官止貳起部於兄之量二者皆屈彼大耄大僚孰宜之哉頃部禁掖俄接仁里觴酒歌詩清言善謔靡日而問彌年以歡一瞬之間奄成今古以此思哉如何可忘跌傷左足未任踏步鼓吹臨門涕洟如霰集作平生味風今日未訣伏枕口占寄懷斯文尚饗

祭賈魏公文

前人

維永貞元年歲次乙酉十月景申朔二十三日戊午朝散大

夫守尚書戶部侍郎雲騎尉權德輿謹以清酌庶羞之奠敬祭於故司空相國贈太傅魏 賈公之靈覆載之間肖形必化惟令德淑問與天壤俱存伏惟以含一之量斗休嘉之運四征受律勲在盟府二捺居中勤宣宰政注意體國繫公是圖始自黃綬至于玄衮率由坦夷以極大光浩若溟海熙如春臺歸全之日朝野相吊窺凋戈金鉉之寵可以言貴過懸車貳膳之年可以言壽中和博大之度可以言君子知命順化之理可以言至人三朝告老終不得請法賻民司札加常數旨薄無似辱公之知獎進切劘建茲一紀獲居里閭亟踐堂奧技俗之韻忘年之歡疑在視聽忽成今古嗚呼魏公可勝慟耶潔此觴豆奠于冥寞髮髯風采公其降靈尚饗

祭唐舍人文

前人

維元和年元歲次景戌正月景寅朔十九日甲申戶部侍郎權德輿謹以清酌時羞之奠敬祭于故禮部郎中知制誥唐君之靈嗚呼文編行茂才全弱冠知明特推雋賢含章振藻金石在懸緣情放言采組相鮮憶昔淮湖與君觀止忘形合志造適通理仄步邦溝吳山楚水芝蘭之室三十年矣君自江右集作右史進居臺郎予叨禮官亦忝周行熙春至止休沐將相終盡簪於上國俄出守於遐方盛山雲安風水迢遞屈二郡我然半世文章喚發書札相繼辛酸苦言疑曲嘉惠集作惠顧我忝曠愧君淪滯屢封薦章輒以人廢每與公範交脩宿契不進不止中心自誓大君繼明元凱持衡方聞宣室以待賈生裁成訓命所謂文柄詔君居之士友相慶遲遲征軒來自荆門凡我同集作周非人載勞夢魂屈指繼日候集作候君西垣不及百里俄歸九原嗚呼文編

此痛難言壽堂野土一別終古平昔風姿查無處所樽酒蓋貳
涕零如雨冥冥之間神其聽否尚饗

祭杜岐公文

前人

維元和八年歲次癸巳三月甲寅朔二十八日辛巳禮部尚書
權德輿謹以清酌庶羞之奠敬祭于故太保贈太傅岐國公之
靈伏集作夫惟體溫厚之氣協体和之運五常用仁九德在寬六
朝揚歷三居公相其作司徒爽居太保致位逐志晏閑顯尊極
人倫之壽寵備君上之恩禮傳日行道有福詩曰求福不回考
祥視履惟公是已至若倘洋化元保合大和扶導嘉會將明利
澤漸漬於生民而隱於視聽者可勝道哉早辱辟仕總初命頃
沐鴻休織聯大任周旋惠愛僅三十年集作三十餘年公府閣議郊居
盛集滄溟沃日之量清廟禮神之器四教五福明哲始終話言

風采疑在夢想變化糾紛何可勝論常日賓今茲靈位常日歡
言今茲聲淚常日精爽今茲魂氣常日鳴騶今茲騎吹永去昭
代言歸厚地平生一罇拜奠歎歎尚饗

文苑英華卷第九百八十三

登仕郎胡

柯

鄉貢進士彭

叔夏

校正

文苑英華卷第九百八十四

祭文七

交舊七

祭成紀公文一首

祭杜佑大保文一首

祭李吉甫文一首

祭權相公文四首

祭成紀公文

崔損等

維貞元十二年月日朝議郎右諫議大夫崔損太中大夫行給事中徐岱朝議郎給事中趙宗儒正議大夫守中書舍人高郢宣德郎守駕部員外郎知制誥權德輿起居郎常丹起居舍人楊馮唐書作憑左補闕熊執易右補闕歸登崔邠常渠牟左拾遺肇王仲舒右拾遺蔣武等謹以庶羞之奠敢昭告故門下平章事贈太子太傅成記公之靈龍為輔臣虞闕四門啟宗審象說代予言建中皇明崔為文貞嗣德同風俾公登庸運配我忠昭我

皇君臣合契聖賢同方乃五行調三光仍作舟楫乃作棟梁温
裕内叔矜嚴外莊暖若冬日肅如秋霜錯磨瑚璉黼藻文章鼎
不耀彩蘭非振芳疏封慶遠輔族流長祖服既綦孫謀更昌跡
初泥蟠勢漸雲翔縹衣持斧錦帳含香曾建隼旗康察三湘亦
倖龍節和柔北荒左曹駁正中臺紀綱績徹宸帑恩昇廟堂東
西掖垣左右輔弼獻納忠黨訐謨慎密嘉猷必告内言困出清
廟承天圓立捧日宣子制典鄭侯定律有倫有要惟精一功雖
必舉愛犯斯默保正懲邪損虛勵實儉能防侈恭能戒一作逸
假寐一作寤寢門宣力王室鈞軸是秉樞機所發先平其心後宰
於物赫赫天子萬方稟朔寄公鼎授公情幄方資燮贊更致淳
撲從籍千畝侍巡五岳福悲下壽忠惜永圖勃也勵疾攸焉薨
殂皇心軫勸人望嗟呼賻贈恩焉篤禳崇札殊騎吹京龜兆鼎

城緱山舊壠太傅先塋某等相府屬寮禁闈分職敢辱陶冶愧
生羽翼馬字疑作容誤龍鱗受直孔雖不言辛有亦力徹帷啓
殞執紼俟門首薄單醪羞輕特豚悲實懷德忠何顧恩清風令
範子子孫孫嗚呼哀哉伏惟尚饗

祭杜佑太保文

鄭餘慶等

維元和八年歲次癸巳四月癸未朔九日辛卯銀青光祿大夫
守太子太一作少保兼判太常寺事鄭餘慶銀青光祿大夫守兵
部尚書王紹銀青光祿大夫吏部侍郎揚於陵中大夫守戶部
侍郎判度支盧坦朝議大夫守刑部侍郎克諸道鹽鐵轉運使
王播朝議大夫權知禮部侍郎常貫之等謹以清酌之奠敬祭
于故太保贈太轉杜公之靈伏惟嶽峙敏德台符炳靈實啓邦
傑佐時文明厚仁保和待物推誠夷道不隔直心無局允鑿羣

參歷庶務周旋四朝出入三者顧言慎行道在忠恕珪組外身
江河比度始從郎位職典邦賦重人惜費惠恕周布逮中之初
受命分符報政長洲擁節番禺越俗蠻陬是訓是濡既撫淮楚
遂荒隨都時當徐方倣擾為虞截河鏖流擁滯邦輪統以威重
簡于帝俞鎮寧二境並見雙旗十萬貔虎指麾風趨任兼文武
志尚詩書兵賦著典郡政來蘇學該地理試究去極天龍載加
時問逾積建來登庸作弼邦國計攸掌國機赴畢畫永貞之祭
宮闈秘牘順皇沉渡奸臣竊職公聽羣位愬已夕惕躬宣誥旨
捧授金冊一人出震羣邪蕩滌崇秩屢增湛思倍錫朝登劔履
樂侔金石沐瀚良辰宴慰親客朱綸紫授疑富盛赫弈戎足思
退居高不危國有大計猶將來咨才實不器用皆適時位極元
老守逾謙卑靈壽方賜懸車忽辭冀期願以遐保樂遽住而哀
隨餘慶等早忝班行嘗承顧眄仰台庭以贈郗臨素車而申奠
嗚呼哀哉伏惟尚饗

祭李吉甫文

武元衡

維元和九年月日某官謹遣某以酌之奠敬祭于故中書侍郎
同中書門下平章事贈司空趙國公李公之靈元精之和變乎
細縕升為星辰播為賢哲當四序迭運克成歲功九德感宜用
彰聖道惟公鍾茂間氣誕靈中和圭璧鎮於巖廊宮商備於韶
護經文綿武觀奧知徵究理亂之源流極天人之涯際泊濯纓
清漢鳴珮天墀出入三朝徘徊二紀嘗思禁掖潤色玉猷屬元
聖御極之初昊降休之日公內參密命外正戎機竭心膂以振
皇綱勵精誠以輔玄化故得三光離即九有澄清南定勾吳西
殲邛僂默運宏畧弘宋大猷及公毫采登庸予忝台階接武翊

戴元首弼諧然人論道困達息波共浹及公推轂淮海予亦枝
鉞坤維俱荷寵驚各從藩翰陰隲庶彙惠合顛蒙化北竄之人
變澆醜之俗聲應義激契重情申信誓之言期於沒齒隋宮井
絡相去萬里山水澄鮮烟綿錯峙風傳麗句緘開素鯉金石相
投鏗然左耳再徵黃霜繼入丹墀啓沃同心歲寒共期運屬休
明道濟無為星霜八變交態不移或乘春賞花或對酒裁詩音
容不問讌語忘疲宜保大和克享期頤報功于岱侍宴于瑤池
庭菊有芳朝露尚茲交臂遽失弊如飈馳惜乎時方泰而壽不
與噫道行而數竒復淮夷成之筭雖人亡而事遺軫悼皇情哀
纏冊誅瞻波洛土青烏爰止千里申奠九原同撫撫絺紹而不
孤銘太兵而無愧嗚呼哀哉尚饗

祭權相公文四首

揚於陵

維元和十四年歲次己亥七月丁丑朔六日壬午尚書戶部侍
郎兼御史大夫上柱國弘農郡開國公揚於陵謹以旨酒庶羞
敬祭于故相園贈尚書左僕射權公之靈伏以世濟明德天資
上才默識中照襟靈洞開言成典誥筆落風雷扣寂窮妙神交
思來百代遐鷺九流兼該傾詞大之藪澤爲作者之杓魁粵自
童年飛聲天下論文請益莫匪賢者荏苒藩服發揮文雅遽徹
明庭難留諸夏騏驥之步騁於康莊鸞鳳之舞暢于朝野望九
霄于瞬息指千里于尋常遵曲臺之講肆脩諫省之封帝日絲
綸伏予口語詞之破僻政亦乖阻爾其專掌爾必師右丞換官
榮屢移星序春泉涌溢彩翰飛舞丕變澆訛裁成訓詁六官之
貳我踐其五郎竟高懸時髦盡取陶鈞之柄義刑求分詭情異
熊柳有前聞公之雅素迴拔羣倫智以藏用患惟愛君將所以

懲止誇競儀刑措紳豈獨辦是非于毫髮校輕重于逡巡而已
哉日居月諸或處或出分陝東之優寄統漢上之師律懋官之
典雖荷于朝章福善之徵尚期于陰隙如何不淑大楮俄鍾方
佇朝天之慶翻成夢奠之凶歎人倫之殄瘁哀令子之克窮幸
斯人之不泯將千戴之爲宗於陵奚自壯年獲承嘉惠以蕭蘭
之菲質荷松栢之深契鍾陵携手襟掖連袂講德談玄依仁遊
藝平生之恨常嗟離別之多靈落之悲何堪衰暮之際嗚呼謀
及龜策言旋洛師風淒曉籟霧偃靈輶投滂舉酒升階致詞儻
交情之不昧實神鑒之來思尚饗

二

李直方

維年月日中散大夫試大常少卿卿上柱國李直方謹以清酌
庶羞之奠敬祭于故三文相公之灵天作雷雨山川雲帝恩理

平英髦並生爰自弱歲植此休德弘重不器仁聲淵塞旋昇外
臺乃居察視輔人成化入為右史文學溥博德度謙冲載領絲
言粉澤天工詞簡理詣粲然昭融俾國家詔命上逾十代與周
漢同風爰登禮曹實司選士人罕其再我三專美雉文懿行善
價端士顛昂周行麟集麇至一作聚朝推厥德乃作天官庶職惟允
九流序焉帝念儲皇輟居調護九法闕理乃遷兵部禮樂不綱
斯爲奉常神人以和騫飛廟堂鼎鼐三載萬方咸賴退爲宗伯
碩望彌赫惟梁思理建節來萃教化惠和流庸洽至憶昔攸往
火旗電麾今也來思白馬龍輶哀笳疑咽以增感丹旄攸揚而
獨飛嗚呼哀哉直方昔在南宮擢遷綸閣授携薦忘其菲薄顧
庸淺而難持竟鴻飛而終却今佳城行啓哀挽徐吟跪靈筵而
號擻淚橫墮而不禁伏惟尚饗

維年月日從姨弟使持節蘇州諸軍事守蘇州刺史賜紫金魚袋王仲舒謹遣某人以清酌之奠敬祭于故山南道節度使贈尚書左僕射權三兄相公之靈惟靈天受全氣早挺文學用道以直閑邪存誠心常垣夷而不離法度操本堅峻而盡歸忠厚自拂衣登朝周歷清重靜專一節造次于是內翊皇極外擁麾旄賢哲極致天下榮觀豐祿足以肥家雄文可以潤屋四奉已彌約素風逾鮮顯昂山立以鎮浮俗嗚呼公之德也公之器也壽亨期願猶未之夭況相遠乎論道上庠猶謂之薄況不至乎哀哉仲舒及冠之年情契深至非求道之要不為辭端非為文之蹟不著心本雲路盡相致之誠宴諧道舊之適音容如覩書札尚新靈儀宛然驟隔今古局守遠群臨慟無因設酒饋用申平昔尚饗

四

蕭籍

維年月日門生儀武軍節度使行軍司馬文林郎檢校尚書戶部員外郎馳騎尉賜紫金魚袋蕭籍謹以清酌之奠敬祭前于相國故山南西道節度使檢校吏部尚書兼興元戶御史大夫贈尚書左僕射之靈伏惟明稟天地細緼之和為唐虞文武之臣宜乎壽登期頤福如崇山安危所注意致大君子三五之上如何昊天壞我梁木承訃之日搢紳失望豈疑作橋終蹇歌謝興謚輟相之足云乎信無等級以寄言也嗚呼哀哉公昔在貞元實司文衡第甲者七十有二人唯籍鰥生名不聞於將命者公以至公俾居選中數仞之牆得門而入荷此知己與嵩華為輕矧乎侍立璵璠常超後塵退食台庭亟承嘉言昔之少別今成未

訣哭寢之慟百身可贖嗚呼哀哉伏以天子有司戎使車三請
會葬元侯不許既不得見曳杖之日又不得見如斧之封思歎
如赤爲志如賜築室邈乎其不可及已身寄於燕趙之交神馳
于涇渭之表瞻望遐路心悽目眩其可及乎所可慰者臧孫有
一作後載揚載顯期在茲日以此忍哀齋心遣使儻神理之來顧
庶至誠之上達嗚呼哀哉尚饗

文苑英華卷第九百八十四

登仕郎胡柯

鄉貢進士彭

叔夏 校正

文苑英華卷第九百八十五

祭文八

交舊八

祭劉僕射文一首

祭顏太師文二首

祭袁給事文一首

祭鳳翔張相公文一首

祭李相公文一首

祭福建鄭大夫文一首

祭揚郎中文一首

爲留守鄭侍郎祭劉僕射文

穆貞

維年月日某官謹遣某乙敢用段牢之奠致祭于故尚書左僕
射彭城公之靈巨唐中否八葉嗣興天爲生公爲公啓運公授
天所受事與時并寔爲王國于時方夏之內瘼傷未平兵餘於
人賦倍於產公施以損益權其重輕自我竭心爲國強力歲歎
靡瘠師興忘勞羣師不虔怙兵自擅典章靡及職貢莫修律我

清明銜令如饗疑作凡所辟選府傾何時賢若金我礪若玉我
 琢爾材我器爾用我功至今會計之司食貨之政法公之法其
 事集吏公之吏其利興守公之成揚公之盛孰云公歿吾謂公
 存嗚呼何日不夕何容不落何亢不悔何高不危終沒裔夷凡
 百稱歎皇明昭滌丹旒言旋澤及九原竟歸萬里大銘備禮返
 葬故丘哀哀遺孤銜恤靡至毀隣於滅必復是銜某昔官南宮
 嘗參末使玉音如在哀晚長違祇命禁省不敢離局禮闈執事
 悲儲永懷敢以精誠寄於祖奠神遠聽邇庶乎降歆嗚呼哀哉
 尚饗

為淮西宣慰使鄭右丞祭顏太師文 前人

維年月日某使其官某奉勅以清酌少牢之奠致祭于故大師
 贈司徒魯公之靈天有晦明人亦理亂當其厄運則有盜臣至

乃憑寵肆兇竊權構逆虵吞虎噬擇肉中州天子思所以解將
 燎之焚極方割之墊尊問景命銷過亂源惟公道冠四朝位先
 百辟望安杜稷名動神祇期以日照天臨風清雨滌受命以出
 視途疑如歸嗚呼肇有芟孰如克舜臣惟共鯀子亦朱均珍稟
 而生雖聖勿化父不能得之於子君不能得之于臣矧夫禍亂
 之興蓋秉中否天之方稔公若之何獨立虜庭卒致君命激昂
 大義潛革犀心全道為全天年非天期願匪壽得死為終唯彼
 光殘穢我明哲罪均僭送恕發天人否閉未通鬱翳茲又上帝
 厭亂忠臣應期坐使鯨鯢化為菹醢庸非精爽達于明神幽贊
 元勳昭蘇宿憤詔旌大節追冊上公寵以飾終禮惟加等某肅
 將密命敷播皇猷慰拊瘼傷勞勉忠義拜手天闕躬承德音命
 以觴牢備茲俎豆發於聖旨斯謂馨香公其降灵歆我明德尚饗

爲留守賈尚書祭太師文

維年月日某官某謹以清酌少牢之奠敢昭告于故太師贈司徒顏公之靈天寶季年幽都首亂生人流血中夏爲夷公守在一麾援絕千里居鯨之腹而剗其腸履虎之毛而拊其背率先大義以集中興歷事四君匪躬一致全德邁俗正詞興邦堯朝孔門兩造其極昇沉問壘東南不開帝謂師臣予厭征伐往以至化勝其兇殘于時公請老未獲蓋三年矣曾不俟駕豈公安車惟物之生善惡有惟材狼犬馬罔克相遷天能生之而不能化况彼元惡逆成膏肓針藥靡攻仁智何及奉命所在顧身如遺柰何明神孤我積善帝念忠烈國恩典刑棟折將壓哲委安放嗚呼哀哉昔者仰揖重名遐跂明德邈焉當代如望古今敬令高風敢歎大節卓爾不巧凜然如生臣猾穢夷幽魂昭泰靈車歸路千里同悲永惟忠勳宜在祝典况臨緋紉敢廢蘋蘩嗚呼哀哉尚饗

爲留守崔尚書祭袁給事文

前人

維年月日某官某謹遣某官以清酌少年之奠敬祭于故給事中汝南公袁三丈之靈昔我烈祖洎公先哲同力王室惟歡世家俾爲墳塋且秩昭穆殆茲小子恭事夫人於維夫人義切師友間氣全德稟之自然資元精之餘和邁生人之弘致尊周孔之報躅行天下之直道是周萃厥孝友發於文儒播乎循良峙以謬謬出納帝命時惟掖垣政之或虧期不奉詔義之所激挺不顧身寤天聽於未聞及大號於已出吐羣公之所始垂聖朝之直聲雖霖雨舟楫之用未躋於位而股肱耳目之任獨冠于時其生也公相讓德有藏文竊位之歎其歿也縉緋相吊有國

僑將壓之懼惟昔遘厲萬心壽天天之愛人宜有所錫如何大
運不即一作即遠我謀君子於是乎始疑明神而信定命轎車何所
從先公居前有伊川萬古流美某離次是懼臨穴莫從百身靡
追一慟何及哀墳意竭式寄蘋蘩嗚呼哀哉尚饗

為留守鄭侍郎祭鳳翔張相公文

前人

維年月日某謹遣某官某敢以黻牢之奠昭告于故相國贈太
子太傅張公之靈嗚呼夫之不可問也信矣災不避聖禍不擇
賢在昔禹湯寔逢水旱今我堯舜厥有羿浞公如季路終以結
纓蓋君以避狄為仁臣以死難為義不朽是貴全生曷榮嗚呼
哀哉公性本生知學成全德跡踐教極心遊聖源始以耕雍終
以谷稷取其餘事猶為籠黃用其末學亦謂方召若昊天之將
喪斯民也則不當生德於公錫公於主既執其柄載行其道方

俾我若格于皇天夫不獲引以為咎而奪我靈府移於四支使
魚爛自中原燎斯及主辱死臣不在公守位終是為不沒明明
元首始喪股肱凡百縉紳靡所冠冕伏念平昔交如弟兄同則
墳箠相和異則常絃迭佩公頃自郎署往莅東南秦楚相望音
容不隔建於晚歲又氣倅戎時迫登賢事止中道恩加前好名
在舊實今寵贈表榮詔葬旌烈官司是繫吊哭無從泣遣行人
哀將菲薄孰云觴豆可盡平生嗚呼哀哉尚饗

為留守鄭侍郎祭李相公文

前人

維年月日某官某謹遣某官某以酒酌少牢之奠敢昭告于故
相國尚書左僕射贈司空李公之靈惟靈天鍾地資生備五福
昔者玄宗之代天下時治平時重文儒禮侔齒爵公始之鴻漸
蔚為羽儀從容主文在帝左右既而皇家中否寶曆嗣興明明

肅宗康難致理天地交泰聖賢相逢其所以濟川救旱和羹作
嵇視說命事符古文嗚呼才之用捨繫手時道之行廢存乎命
珪組遺累江湖為家與協騷人我無其怨詠歌堯舜二紀志年
皇唐建忠天子纘服惟新度績先禮舊臣授公成均以舉政本
爰降微命典司春官先是昆夷不庭歲為邊忠亦既款塞願歸
聖理帝日春秋之義許之不一而是和之五利斯在歷選列辟
繫公簡心資王商之盛容將魏絳之故事公感恩自奮著茲一作歲
方剛寵茲扇拜遵彼絕域我屬賊臣問豐罕畢在邦公昭格外
夷俾為內援嗚呼風沙勤瘁共薄頽齡王事畢矣我勞盡矣僅
履吾土亦終天命原夫始忠寔盡善美湛恩緝禮綸者宜之至
若史民立言訓辭作諾秘在天府式為國經世有五姓冠于百
族有如姬姜取貴春秋擢秀天人唯公而已有司俾物返葬故
立觀者哀榮沉承眷舊敢憑奠酌以降明靈尚饗

祭福建鄭大夫文

前人

維年月日故吏某官某敢薦薄奠于故福建都團練觀察處置
使福州刺史兼御史大夫鄭公之靈伏惟自天降靈為國之楨
溥博闕達昭融粹精中和植本体禮敷榮應物以順逢時中清
爰自筮仕之初及乎懸車之期惟天命是信惟聖言思德命明
神心為元龜動享黃裳之吉不猗洪範之疑論交審其始其結
也不解用才要其終其報也不欺仲山吐茹吉甫文武四國羽
儀蒸人父母憶昔高門照灼宸宇榮冠一時名列三虎我公南
遷返旆東土仲也土齡相從萬古季兮不幸昔陷于虜忽如嚴
霜殞落繁相倏爾成空天乎謂何某嘗以斯文忝膺辟吏載筆
如昨攀車何迫我有甘棠東城苑李悠悠清溪永代流美願託

遺孤以奉恩紀忝稷非馨微誠所至嗚呼哀哉尚饗

祭楊郎中文

許孟容

維貞元十九年歲次癸未四月壬午朔二十二日癸卯給事中
許孟容吏部郎中李儋一作備司封郎中常成季屯田員外郎穆
員右補闕張惟素京兆府司錄薛丹等潔牢醴庶羞以祭于兵
部郎中楊君之靈大均生生陰隲者許殲惡輔善胡顛倒之疑
聖草玄子雲位卑中庸殆庶回天不時吾友懋功粹靈天質文
為國華行作人師不至公相不登期熙嗚呼臭穹報施云期交
以利合滔滔其衆直義許心唯君伯仲金君非固常絃迭用柯
葉四時古之所共昔也三虎李奪天縱金也二龍叔門丘慟申
乙辯論聲聞我求桂枝昆玉邵氏無構典校蓬山佐賢戎州諸
宮峴首人賴嘉猷瑤墀記言方冊澗色列宿有耀彌給皇極罪

臣專征在浚之郊輟我綱轄俾參韃橐元侯歸全符節自朝戎
有伏莽變生中宵呀呀獲噬鄆里流血正直之形豺狼不啗歸
來閑燕望在清切琴史方娛簪裳靡屑抒懷摘藻致遠詞絕文
昌貴郎莫最司戎唯是利器簡于良乘永賢得人天下至公鴻
鵠不翦騏驎在馭九霄咫尺萬里跬步躡景搏風過之中路天
若可問余徵其故先哲嗣仁藩翰盡臣南國之紀洞庭之濱叫
呼在聆淚血在中擗裂酸楚悽心動神賓階寂寥總帳參差露
濕芳樹風淒曲池劍光塵昏履跡苔滋幽琴戛而無聲玉笋盈
而不持惟古今之俱盡悟彭殤之一期留景食霞多昔人謂誰
隙駒舟壑多達者不悲齊脩短於一致必後先之匪移平生理
言造次在茲本懸解之達觀吁垣懷而警夷哀挽徐出泉臺永
闕觸豆非馨塗芻有位蒼山霧幕素滻波駛紛惟轄之衣遲杳

精蒐之騁歸圃畀友好伶傳孀稚玉樹春凋文星盡墜士歎梁
木朝嗟國瑞三月徒來百身無異緘惋痛於膏抱孰哀詞之可
既尚饗

文苑英華卷第九百八十五

登侍郎胡柯

鄉貢進士彭

叔夏

校正

文苑英華卷第九百八十六

祭文九

交舊九

祭常太尉文三首

祭張中丞文二首

祭王貞外文一首

祭崔中丞文一首

祭何大夫文一首

祭顓和尚文一首

祭李處士文一首

祭樊司空文一首

祭呂郎中文一首

祭李中明文一首

為留尚書祭常太尉文

符載

維年月日某官某祭于某官之靈乾坤瑞氣蒼鬱淳精誕生碩
臣為才為英其休顯昂其神清明大包九德全貫五行聞望昭
宣勲庸崢嶸動專靜直淵默雷聲甲子之歲宗社震驚塵飛四
野人弄五岳公一作昔在隴州保捍孤城師徒顛顛凶孽縱橫一

發沉橫萬夫婦平天維地軸為之不傾天子報功夫何超越全
蜀千里虎旗龍節堅完卒乘延納賢傑武事推稜文筆昭聃西
戎天矯南詔夔絕德惠震威投心象闕激揚風教提携義烈二
十年間沱江澄澈爰有獮人驃國彌臣化所未洽古之不馴飲
我大誠沛然來賓遂使皇擇播其無垠奉聖功成藥府聲新一
時業高古紛綸實莫昊穹福美與仁何豫章之磅礴奄摧落乎
青春嗚呼曩者危疑之際雅臣交構獨有精誠飛章上奏忠同
折檻詞近及霽昏霧忽清太陽乃晝淒涼陳跡惋毒中壽志未
展於生前寵徒於身後嗚呼其以薄劣獲事旌旃猥承國士之
顧謬居羣危之先徬徨授置昧懵機權顧無能於布政懼取機
於大賢蕭條政其路眇默風煙諒祖奠之無路贍壽堂而替然

為賈常侍祭常太尉文

前人

至道之世君臣聖明必有才賢為之挺生昭昭我公得一居貞
窺神靈之壺輿有天地之淳精膏襟河達方略縱橫文房啓而
風雅斯在武庫開而禍亂乃平甲子之歲逆此變節河海沸騰
宗社兀陞孤軍隴上勢窮援絕激臨危之肝肺成曠世之勳烈
帝有寵命擁旌蜀川威聲烜赫德禮昭宣家有美政人無冗賢
熙熙穆穆二十餘年機謀內發英明獨照頓挫西戎絳綬南詔
通驃國之幽阻導彌臣之叫籛咸屈膝於君王信萬古之榮耀
方期驅兵率乘觀謁帝庭承玉滅之殊澤陳訐謨之大經如何
遵重邁茲殞靈地娘喬每天沉輔昨者疫瘳之日咸望再起頻
造屏內候公動止憂國慷慨請立太子事苟未行歿而後已今
止嗣位人神交喜哀傷大賢不見如此某謬以菲薄監臨此軍
參肅曹之議論覩伊霍之功勲淒涼門館顧暮風雲非百身之

可贖寄一勸於斯文

為西川幕府祭常太尉文

前人

維年月日祭于某官之靈歷應數今古同風五百年間運屬我公長江噴射太華穹崇鬱起生人之表獨棲顛氣之中往者鯨鯢蕩海濤洶洶京洛風塵人神震恐公遂屹立天授智勇斬刈師徒扶持汧隴逆黨顛顛心摧計擁繇是安危繫之輕重天子報功禮數乃殊既握龍節亦執金五國之西南寔日成都夷夏混合山川盤紆苟非其人莫啓令圖咨我賢達付之方偶公乃厭坤維以厚德注群生以和氣應變參乎查冥布政歸乎簡易刻風俗之姦竄平人心之險詖肅貌虎以雲屯禮英髦而磨至蠲萬病於藥草心百貨於鄜肆綢繆賓客之歡肅穆鬼神之祀補前人之漏略極當時之能事道遵而擴俗承風聲烜而殊鄰

慕義信信犬戎背約報仇疆場萬毒大邦寇讎公動機摧控扼咽喉闢其險落係其魁首峨和宰雲大渡橫流伏不敢動垂二十秋伊昔南蠻嚮化處奉朝旨將率非良撫綏失理興兵戰伐深入邊鄙十萬之師蕩為厲鬼公以誠徃彼由感起拜新詔於皇都歸舊封於越嵩提携推髻之類造列青衿之齒驟國之與彌臣伏聯蹤而疊執臣製樂以奉聖聖裁文以叙美考一德之輝光諒有唐而已矣方期五福之壽享九命之尊致雍熙於宇內相王帛於天門何至業之堙鬱逢逝水之迅奔竭涸滄海摧頽崑崙精靈一去徽烈空存嗚呼哀哉錦城秋暮北郊長露寂寞山川簫疎草樹雖蘋藻之履薦終轆車而不駐慟軍府之悲涼增煙霞之思暮其等俱以孱鈍獲事旌旄庇蓮府之光彩無汗馬之動勞戴恩愧厚顧位慙高問沉痛之何有與二江之滔

滔

為劉尚書祭張中丞文二首

前人

維年月日祭于某官之靈惟靈和粹在躬行方而通瀟灑器塵
 之外翱翔禮樂之中與物大信推之至公落落賢人之慶恢恢
 長者之風學有餘力備攻衆藝瓌壁文章龍蛇草隸江湖之地
 東西無際獨負高名聞乎早歲赫赫大師先鎮此川大啟幕府
 盡心招延運籌帷幄之內折衝罇俎之前鬱然時論謂蜀得賢
 某也不才接武隨肩緬茂三益周旋十年或朝遊古寺或夜接
 華筵歡乎醞筆嘯傲風煙神理無狀忽鍾沉疾顧侶無踪懷仁
 若失陰深府舍寥落煙日雖道義不間於同心而語笑每乖乎
 促席何士林之凋瘵碎金與玉質某以懦劣謬司戎律方屬理
 兵未遑造室眷言襟契何啻膠膝一面有乖百齡俄載猶鄉道
 遽素惟簫瑟望精爽以申哀誠不知涕洟之所出

二

維靈惣四科之要推六藝之先襟懷灑散文翰聯翩寄情琴酒
 長肅風煙有名當世二十餘年誠謂羽翼中朝潤色王度翔鸞
 彩鳳翹冀雲霧在萬江海蹉跎晚暮道乃光華疾成沉痾宗嚴
 絕集作舟壑松摧桂臺衰茲下泉永寐不寤某頃同舍周族後塵
 肺腸見許筆硯相親顧以尋靈每慕仁人實冀鄙志於茲大申
 柰何昭時奄落穹塵永懷道義臨風酸辛畫翼柳車白日青春
 鄉關樹老岷蜀塋新戎事見羈執紼無因具壘以寫意耶寄恨
 於江濱

為劉尚書祭王負外文

前人

惟靈行業端簡襟期高郎類彼雲霄萬夫是仰根蟠一德冥入

羣象和自中求道非外獎風儀峻峙神氣森爽清濟橫流連峯
直上爛爛文章早歲擅場鏗金扣玉折桂宇揚昔在太師作鎮
坤方大啓幕府聿求賢良君赴招延價重珪璋賓主之際赫然
有光余復繼來廁接周行契侔金石韻擬笙簧並几聯曹擁闈
環廊紛紜笑詭爛漫堂觴昨者象緯成災禍丁故使門庭倉卒
軍旅涕滑猥蒙遺令俾司留事顧此孱虛實憂殞墜東川無狀
橫相猜忌破表焚戕封山掠騎因得討罪誅其不義屢犯鋒鏖
幾經憂畏天子明察龍旌旌至何事謏才忽膺重寄告語未接
潰瘍已熾晷刻小睽音容永闕如何吳蒼負此沉意危迫是同
歡榮乃異嗚呼哀哉嘗察分切親懿情偏念家道之霜貌若肺
腸之焦然位不過郎署壽終及中年彼禍淫與福善吾將仰首
而呼天一樽酌奠百慮纏綿唯撫孤之感躅庶茲誠之在一作焉

為相相公祭崔中丞文

前人

嗚呼子有四教文行忠信維公佩服終身不磷惠慈裒厚溫恭
淑慎趣善如流唯賢是進公方可與利用無朕駉驥絕塵青萍
淬刃累參戎府九牧大郡教化諏謀作程垂訓不躋高位于此
巨壘茫茫上天殲我賢雋嗚呼佑自弱齡實奉周旋綢繆出處
四十餘年昔佐此府周行接聯佑忝末介公愬中權朝整金鑣
夕同綺筵揮動醖斝沉吟風煙對博千場春日秋天氣振耳熱
勝負爭前今也冥冥音容邈然沉思永痛涕泣纏綿嗚呼世且
多故權窳茲地苟安其宅豈靈之意悠悠羸疾浩浩官吏無因
執紼遠送幽墟天寒景淑雲秋鴈思傾一卮以寫哀誠痛百年
之永異

祭何大夫文

前人

巖巖泰山羣嶽攸宗公有盛德與之比崇高邙沉深神超氣馥
禮樂方外粹和積中顛顛昂昂大人之容天高起鶴泉深見龍
早張雄詞扣玉鏗鍾文場一戰陷敵摧鋒結綬玉畿部局生風
拾遺丹陛危言匪躬公嘗從事浙西盛府咨籌畫略輝光賓主
皇帝順狩褒梁重阻納貢匍匐遠行在所帝曰首至四方惟汝
建社擁旄于鄂之渚自公之來法舉令行鋤姦翦暴振獨蘇惇
疆理封域繕完甲兵十五餘年夏水潦清德于弘曠威容光明
日奠休時調和熨嗟此梁棟奈何頽頽一作位竟不來負我蒼
生嗚呼載有蓬戶廬山之曲接連大郡沿洄徃復早護請謁許
布心腹掩過與能情優禮縟相公振振清風無鄰律呂幹墨龜
龍摺紳遺我細微合我嘉姍永言感勸破骨傷神嗚呼哀哉去
歲春暮旌旗滿路眇睽風煙留連草樹前日東亭天光曉晴金
樽玉管夢樹流鶯誰謂累夕幽明遽隔瞬目交臂遂成吉昔心
敬無飾詞衷心激寫勸絕于江干疑精靈之可覩

為揚廷評祭大夫文

前人

伏惟尊靈涵清明之氣秉中庸之德事業存乎教化忠厚形於
國家文章根風雅之奧議論探聖玄之域虎視羣額山立玉色
惟公昔年聲譽赫然拾遺補闕丹陛之前天子思垂意藩外聿
來沔鄂十五餘載浩浩邑民繁境大通至信於豚魚被深入於
幼艾秋霜可畏春日可愛卷風波於夏水失險阻於西塞嗚呼
地四海候一作候公而清天有陞望公而平昊穹謂何殲於賢明
小人君子號呼震驚嗚呼賓主之道人倫之義情禮所加殺身
有地如郎小子孱愚下位無絕俗之姿寡卓然之異猥辱提引
叨居賢次顧侶之榮撫心多愧頃將重命驅車遠使不憚山川

敢告顛顛昔我往矣龍節煌煌今我來思丹旒悠揚慟哭江干
若摧肺腸儻神理之昭鑒殊辛酸之未央

為江西李常侍祭顛和尚文

前人

大方浩浩天高地厚彼上人者空門稱首塵三界揮斥萬有如
淨蓮花出泥離垢早歲蜀中師事全公一言悟解了得真空靈
覺內虛妄境外融寶山見月一作月山性海無風某謬以菲薄投心
依周旋瞻仰年踰一絕東洛之濱湘江之渙晨朝後夜談玄析
理破壞結縛我則用喜甘露洗心簫韶洞耳一作猥受朝寄聿
來此方撫俗未幾懷仁不忘師雖無心應物則深尺素紆屈千
里相尋纏綿舊故啓迪塵襟窮弊邑之風物暢平生之登臨嗚
呼風火扇災遽成沉疾睽累旬之晤語謝百靈疑作齡之形質雖
真性之湛然愴尊容之已失荒郊野塔秋晨曉日幡蓋飄蕩香

花蕭瑟寄慘恒於斯文諒悲懷之不一

祭處士李君文

前人

良友三人來自蜀川身棲廬嶽氣蜀雲天至寶多脆雲芝不堅
君與王生早落窮泉當時食貧空禮從權殯宮簫索二十餘年
在風塵中觸故牽纏每懷曩昔深衷惻然頃亦有意祗承付託
訪君姻族獲歸京賢舅緇褐外弟罷弱實恐歲遂移舟壑神本
尚簡禮貴適時即其故地而窀穸之衛玠短命伯道無兒千秋
拱樹我心傷悲嗚呼吾李處士已而而

祭樊司空文

前人

天有神氣地有山川交感氤氳實生大賢聰明惠和忠厚塞淵
體剛法健動直靜專在專在安卑屈宰堯山聿來射策懼疑登
紫垣異日從容危冠上前以手畫地慷慨論邊道合時來舜日

堯年纏綿三接奮發九遷帝念和戎公駕軺軒詢危氣激張威
懾蕃擁旄襄漢建旆荆蠻卒東完勁勲庸昭宣徑南當陽芳若
於荃我有令問與之周旋嗚呼仁人在上安危所屬世且多難
奪公何速溘然朝露壞乎梁木望缺三台壽虧五福大誠至信
漸人被俗擁杵輟春鄉號里哭嗚呼載本諸生哭識孱愚猥辱
拂拭化珉為瑜昔歲渚宮灌涸濡枯前年南雍顧重禮殊將致
賓僚將貢國都感念厚意使人捐軀漢水之陽峴山之隅千乘
睍睍旦夕陪趨秋景沈寥春華芳敷瀾漫醜孽淒筓筓拜首
節旄將去知躅吟嘯叙什丁寧匡盧星霜未周幽顯異途神歸
蒼昊魄散黃墟明明知音今也其孤仰天涕下被臆交禱嗚呼
舊山之下石田踈惡智昧經營食無藜藿歲時淹久情禮漏略
瞻望壽堂脾酸肺一作削驅策輿隸匍匐宛洛清酒隻鷄中一作

中 哀獻格涼風白露帷帷簫索門戟朝開并桐夜落生芻一束
意不為薄寫慟絕於精靈冀斯文之可託

祭呂郎中文

集作祭呂
衡州温文

柳宗元

維元和六年歲次辛卯九月祭已朔文粹作八
月祭亥朔某日友人守永

州司馬負外置同正員柳宗元謹遣書吏同曹家人襄兒以集

奉清酌庶羞之奠敬祭於呂八兄化光之靈嗚呼天乎君子何

厲天實仇之生人何罪天實讎之聰明正直行為君子天則必

速其死道德仁義志存生人天則必夭其身吾固之蒼蒼之無

知集作冥冥文粹作冥冥
永本作冥冥之無神矣於化光之歿文粹逾深

而毒愈二本甚故復呼天以玄云天乎痛哉堯舜之道至大以

簡仲尼之文至幽以默千載紛爭或失或得綽二本乎吾兄獨

取其真二本貫乎化始與道咸極推而下之法度不惑旁而肆

之中和允塞道大藝倍斯為全德而官上刺一州年不逾四粹

五十佐王之志没而不立豈非修文粹正直以召災好仁義以

速咎粹者耶完元少二本切雖好學晚未聞道文粹作未聞其道泊乎獲

友君吾子乃知識集於中庸削去雅雜二本陳直正而為道

不謬吾兄二本兄實使然嗚呼積乎中不必施於外裕乎古不必諧

於今二事相兼二本作勤從古至少至於化光最為太甚里第一尚

非所長文章過人略而不有夙志所著粹巍然可知貧愚皆

貴險很皆老則化光之天厄反不榮歟所慟者志不得行功不

得施蚩蚩之氓不被化光之德庸庸之俗不知化光之心此言

一出內若焚裂海內甚廣知者集幾人自反朋周喪志業殆

絕唯望化光伸其宏略震耀昌大興行于時德使斯人二本作使

知我所立今復往矣吾道窮二本息矣雖其大二本存者志亦死矣

臨江大哭萬事已矣窮天之英文粹貫古之誠一朝去矣二本作此

又二本作終復何適嗚呼化光今集復字何為乎止乎行乎昧乎明乎

豈蕩而為大空與化無窮乎將結而為光耀以助照臨乎將二本作豈

為雨為露以澤下土乎將為雷為庭以泄怨怒乎豈為鳳為麟

為星景為慶雲以寓其神乎將為金為錫為珪為璧以棲其魄

乎豈復為賢人以續其志乎將奮為明神以遂其義乎不然曷

昭昭者其得已乎其不得已乎抑有知乎其無知乎彼且有知

其可使吾知之乎幽明茫然一慟腸絕嗚呼化光庶或文粹聽

之尚饗

祭李中明文

前人

維年月日柳某謹以清酌庶羞之奠致祭於亡友中明之靈夫
子之道邈以恒兮夫子之至勵以競兮求中以謙二集作末若履

水兮敦仁義孝實蒸蒸兮雖一作誰毀無虧禮莫徵兮集作唯毀死虧禮其他莫懲兮

秉端宇一信厥朋集作明兮月踰歲長行若登兮外温其顏内類

直繩兮謾言來加不遽陵兮舉世羣非自視弘兮庶優於道

大賚曼承兮掩寬舒抑與類升兮胡茫茫而集作其不信卒以禍

仍兮豈韜忠哀集注作乘又作履信鬼所憎兮將教言吾期終不可徵

兮吾方期子于暮冀有興兮今而棄余志若嶺兮若將援而上

喪厥肱兮沮而集作其殞心交背膺兮水之綿綿山萬層兮又淫

以雨雪紆委硃礪兮鴟鵂夜號集作蹄群暝疑兮寃思柳州本以

行中道凌兢兮魅魍撫呵曷可憑兮聊致吾慎集作憤斯言孰稱

兮

文苑英華卷第九百八十六

登侍郎胡柯鄉貢進士彭叔夏校正

文苑英華卷第九百八十七 祭文十

交舊十

祭崔使君簡文一首 祭崔使君神柩歸上都文一首

祭崔使君敏文一首 為崔侍御祭穆貞外文一首

祭李柳州文一首 祭太常裴少卿文一首

祭薛中丞文一首 祭虞部張貞外文一首

祭亡友柳子厚文一首 祭張給事徹文一首

祭竇司業文一首 祭馬僕射惣文一首

祭柳州員外文一首

祭集有妖夫二字崔使君簡文 柳宗元

某年月日某謹以清酌庶羞之奠祭于永州刺史博陵崔君集

公之靈天之生人或哲或愚君取其英爰輝集作耀于初譽動京

師集作施于方偶密勿書奏元侯是俞蜀寇內悔福建恙髻君

出顯畫披攘其徒南平劍門西獲戎俘超受刑曹留守集作南

都移刺連部下民其蘇道不可常病惑中途悍石是餌元精以

渝雷謗爰興按驗增誣始雖建律終以論辜溟海浩浩而君是

踰崇集作山茫茫而君是居厥弟抗憤叫于天集作衢天子憫焉

訊以文書御史既斥連師是除期復中壤遽淪別區喪還大浸

又溺二孤痛毒存仍振古所無何適讀作于天降此剪屠極不及

歸寓葬荒墟將膏將就誓還里閭嗚呼哀哉君之子姓惟自我

出母儀既集作虧父訓又失筮筴相視撫悼增恤咸冀其才以

大家室惟昔與今集作年殊志疋書謔夕討期正文律實其師友

豈伊親暱集作誰謂斯人變易成疾良志莫踐乖離永訣集作嗚呼

哀哉永山之西湘水之東殞紉以出斧屋爰封神非久留息駕

于中書石為誌石德斯崇拜手以酌出涕無窮集作手與以

祭崔使君神柩歸上都文

前人

嘻乎崔公之靈嘻乎崔公楚之南其土不可以室或玠而頽或

碩而萃陰流集作泄漏濺沒渝溢碩鼠大蟻傍穿側出虧踈脆薄

久乃自窒不如君之鄉式堅且密嘻乎崔公楚之南其鬼不可

與交躁戾佻儉睽睽期苟脞賤暗習輕囂集作妄走不思已類好

是群醜不如君之鄉式和且偶日月甚良子姓甚勤具是舟輦

寧君之神去爾夷方返爾故隣亦升弁其歸且樂且忻君死而

還我生而留永矣殊世局從之遊酌觴于座與涕俱流

祭崔使君敏文

前人

夫產崑崙者難為玉植鄧林者難為木公以令望顯于華族藝

邃六書學該七錄耽此黃老恬於寵辱入補黑衣出參甸服紀

綱淮海政令維肅宰制岳濱周於仁育儲闈典議直清攸屬
 次推能二州繼牧至於是邦率由舊俗和易勿亟優游自足既
 有小集作少吏亦勤集作勤庶獄妖誣殄除淫祠翦覆出令三歲人
 無怨譴建律未行歸神何速某咸以罪矣謫茲炎方公垂惠和
 拈槁以光鳴鑿適野泛鷁沿相廣筵命樂華燭飛觴高歌屢舞
 終以無荒紛慮斯屏憂懷暫忘良時不再斯樂難常今其奈何
 顧慕增集作感傷嗚呼哉士有迭去川無息流追懷曩晨况若夢
 遊黃撤集作撤中寢魂遷葉集作葉舟邦人永思匍匐隱憂况我懷德
 心焉若抽絜誠可鑒蘋藻非羞

為崔侍御祭穆負外文

韓愈

維年月日故人博陵崔愬謹以清酌之奠祭于亡友穆六端公
 之靈於乎建中之初予居于嵩携扶北奔集作奔避盜來攻晨及

洛師相遇一時顧我無集作如故睠然顧之子有令聞我來自山

子之略明我鈍而頑道實集作既云異誰從知我我思其厚不知

其可集注作不可而可於後八年君從杜侯我時在洛亦應其招留守無

事多君子寮固有疑忌惟其嬉遊草生之春鳥鳴之朝我嚮在

乎君揚其鑣君居其集作于室我既來即或以咏集作嘯歌感以偃

側誨余以義我復集注作復我以誠終日以蜀本作與語無非德聲主人信

護有惑其下殺人無罪誣以成過人救不從反為過赫赫有聞

王命三司察我于獄相從係縲直一作曲生何蜀本作可樂曲一作立死何蜀本作可

悲上懷王蜀本作主人內爛蜀本作爛其私廷退之難君集作君處之宜既釋于囚我

來徐州道之悠悠思君為優我如京師君居父喪哭泣而拜言

辭不通我歸自西君反吉服晤言無他往復其昔不日而違使

集作重又作俾我心惻自後聞君母喪是丁痛毒之懷六年以并集作經孰

云孝子而殞厥靈今我之至入門失集作聲酒肉在前君胡不
養升君之林集作不與我言嗚呼死矣何日來還

祭李邕州文

前人

維元和元年歲次景戌二月乙未朔二十四日戊午將仕郎守
江陵府法曹參軍韓愈謹以清酌庶羞之奠敬祭于故邕州李
使君負外二集作凡之靈古語有之白頭如新傾蓋若舊顧意
氣之何如何集作日時之足究當貞元之癸未集作惕皇威而
左授伏荒炎之下邑嗟名類而位仆歷貴部而西邁邇清光於
集注而警觀言莫集作交而情無由既不賈而奚售哀窮遐集作
之無圖拏集作百憂以集注自副辱問訊之綢繆常集作飽飢
而愈疾接椎詞於章句窺逸跡於篆籀苞黃甘而致貽集作獲
筆紙之雙貿投以魚之短韻媿齟瑕而舉秀侯新命於衡陽費

薪芻於館候空大亭以見處憩水木之幽茂逞英心於從博沃
煩腸於集注清酌航北湖之空明覲鱗介之驚委宴州樓之豁
達衆管吹集作奏德思惠於新知脫寬集作愁於往陋輟行謀
於俄頃見秋月之三穀建天書之下降猶低迴以宿畜念睽離
在期謂此會之難又援集作縞紵以託心示茲誠之不謬儻後
日之北遷約窮歡於一晝雖掾俸之酸寒要拔貧而為富何人
生之難信指集作斯言而莫就始訝信而集作警踈遂承集作凶於
不殺見銘旌之低昂尚疑疑於別袖憶交酬而迭舞黃單杯而
哭極羨夫君之為政不撓集作志於纒構遭脣舌之紛羅獨凌晨
而孤雛彼倫人之浮言雖百年集作其何詬洞往古而高觀邪
正之相寇幸竊覩其始終敢不明白而蔽覆神乎來茲辭以為
侑尚饗

祭太常裴少卿文

前人

維元和九一作元非年給事中李逢吉給事中孟簡吏部侍郎張惟素
 吏部侍郎張賈比部郎中史館修撰韓愈等謹以庶羞清酌之
 奠致祭于太常裴二十一兄之靈朝廷之重莫過乎禮雖經策
 具存而精通蓋寡自郊立故事宗廟時宜大君之所傍求丞相
 之所卒問群儒拱手宗祝醉心兄皆指陳根源斟酌通變罔集作莫
 不允符天旨克協神休至于公卿冠婚士庶喪祭疑皆響答問
 必實歸從我者定集作是為軌儀異我者無逃指笑動為時法言此
 必集作必古經獨立一朝高視千古而又驅馳朋執俛宗親擔石之
 儲常空於私室方丈之食每盛於賓筵贈必固辭求無不應孰
 云具美而不永年愈等早接遊從實欽道義致誠薄奠以訣終
 天嗚呼哀哉尚饗

祭薛中丞文

同李逢吉孟簡張惟素張賈

前人

維元和九一作元非年歲次甲午閏八月乙巳朔十五日己未某官某
 乙等謹以清酌庶羞之奠祭于亡友故御史中丞贈刑部侍郎
 薛公之靈公之懿德茂行可以勵俗清文敏識足以發身宗族
 稱其孝茲友朋歸其信義累升科第亟踐班行左掖南臺共傳
 故事詩人墨客爭諷新篇材儀朝廷輝映中外長途方駿大限
 俄窮聖上軫不慙之悲具寮輿云亡之歎况某等忘言斯久知
 我俱深青春之遊白首相失來陳薄奠詎盡哀誠嗚呼哀哉尚饗

祭虞部張貞外季友文

前人

維元和十年月日中書舍人王涯考功郎中知制誥韓愈禮部
 侍郎崔羣京兆尹許季同考功員外郎庾承宣河中節度判官
 殿中侍御史刑冊等謹以清酌庶羞之奠敬祭于亡友張十三

員外之靈嗚呼往在貞元俱從賓薦司我明試時維邦彥各以
文售幸皆少年羣遊旅宿其歡甚焉出言無尤有獲同喜他年
諸人莫有能比條忽建今二十餘歲存皆衰白半亦辭世外纏
公事內迫私中宵輿歎無復昔時如何今者集注又失夫子
懿德柔聲永絕心耳廬親之墓終喪乃歸伴集作瘖避職妻子
不知分司憲臺風紀由振遂遷司虞以播華問不能老壽孰究
其因託嗣集作於宗天維不仁酒食備設靈其降止論德叙以
視諸誅尚饗

祭亡友柳子厚文

前人

維元和十五年歲次庚子五月壬寅朔五日景午韓愈謹以清
酌庶羞之奠敬祭于亡友柳君集本唐文粹無君子子厚之靈嗟嗟子厚而
至然耶自古莫不然我又何嗟人之生世如夢一覺其間利害

竟亦可校當其夢時有樂有悲及其既覺豈足追惟凡物之生
不願為本材犧樽青黃乃本之灵子之中棄天脫羈玉瓊瓊
珞大枚厥詞富貴無能磨滅誰紀子之自著表表愈備不善為
断血指汗顏巧匠旁觀縮手袖間子之文章而不用世乃令吾
徒掌帝之制子之視人自以無前一片不復羣飛刺天嗟嗟子
厚今也今亡集作今也則亡臨絕之音一何琅琅徧誥諸友而本寄厥
子不鄙謂余亦訖以死凡今之交觀勢厚薄豈余保能承子託
非我知子子實命我猶有鬼神寧集作予文粹作非敢遺墮念子永歸無復
來期設祭棺棺前矢心以辭嗚呼哀哉尚饗

祭張事給徹文

前人

維年月日兵部侍郎韓愈謹以清酌庶羞之奠祭于故殿中侍
御史贈給事中張君之灵惟君之先以儒名家建君皇考再振

厥莘鄉舉集作貢進秀有司弟之從事元戎謹職以治遂拜郎官以

職王憲不長其年飛不盡翰乃生給事松貞王剛幹父之業纂

文有光屢辟候府亦佐采師前人是似耆吏嗟咨史闕人奪之

于朝天厦之構斧斤未操府遷幽都頑悖未孚繫君之賴乃秦

乞畜乃遷殿中朱衣象服集作核是唯義之趨豈利之踐虺材豐閭

府署割集作割憺其犯君獨高耽露刀成林弓矢穰穰千萬為徒

噪謹為狂君獨叱之上不負汝為此不詳將死無所雖愚無知

漸屈變色秉集作君義不辱殺身就德天子嘉之贈官近待歸於

一死萬古是記我之從汝為君之配君于其家行實高世無所

於集作掩葬與集注魂東歸誅以贈之莫知我哀嗚呼哀哉尚饗

祭竇業年牛文

前人

維年月日兵部侍郎韓愈謹以清酌庶羞之奠祭于故園子業

業竇君二兄之靈惟君文行夙成有聲江東魁然厚重長者之

風一舉於鄉遂收厥功屢佐大邦表本以調兵戎詔曰予虞汝為

郎中乃令洛陽歲且四終惟刑之慎其掌正隸僮命守高平命

副集作制儒宮朱衣銀魚象服以崇錫華考姚孝道上窮官不滿

能亦云達通途七望八年孰非翁豈本作喻七八年孰非也公非在君無憾我意

不克君之昆弟三以詞雄刺史郎官集作中四繼三同於士大夫

可謂顯黜我之獲見實自童蒙既受誘勸集作既愛既勸在麻之蓬自視

鷓鼓望君飛鴻四十餘年事半如夢集作四十年餘事如夢中分宰河洛媿立並

躬俱苦集作官於學以織臨洪惠詩不酬報德以空死生莫接孰

明余集作我秉於祭告情文以自攻嗚呼哀哉尚饗

祭馬射惣文

前人

維年月日吏部侍郎韓愈等謹以清酌庶羞之奠敬祭于故僕

射馬公十二兄之靈惟公弘大溫恭全然德侔天故生之其必
有意將明將昌實艱初試佐戎滑臺斥由尹寺適彼甌閩孰跋
躡一作躡顛而不踐乃得其地于泉于度始執群符遂殿交州抗節
奮馮去其螟蠶蠻越大蘇擢亞秋官朝得碩士人謂其崇我勢
始起東征淮蔡相臣是使公兼邦憲以副經紀殲彼大魁厥勳
孰似蜀本丞相歸治畜長蔡師茫茫黍稷昔實棘茨鳩鳴雀乳不
見梟鴟惟蔡及許舊為血仇命公并侯耕借之牛束其弓矢禮
讓優始誅郟戎厥疆集作墟腥臊公往滌之茲惟樂郊惟東有制
惟西有虺顛覆朋隣我餘有幾律萃中居斬其脊尾岱定河安
唯公之豔帝念厥功還公于朝昇蜀本作陞于地官且長百寮度彼
四方孰樂可據顧瞻衡鈞蜀本作鈞將舉以付唯公積勤以疾以憂
及其歸時當謝之秋賀問李本未歸吊廬已莘未燕于堂已

哭于次昔我及公實同危事且死且生誓莫指弃歸來握乎曾
不三四曾不濡翰酬酢文字曾不醉飽以勸酒載奠以叙哀其
能致嗚呼哀哉尚饗

祭柳州柳員外文

前人

唯靈天資秀異才稱雋傑早著嘉名遠播芳烈惣六藝之要妙
踐九流之清切鎮卸鋒利浮雲可決騏驥逸步飛塵可絕閉匣
不用伏櫪何施才命宰病今古同悲五嶺三湘寒暑潛推樂道
忘優襟灵甚夷揆藻揮毫騫翔是期奈何終否神也我期嗚呼
鵬飛半空羊角中矣彼蒼難詰善人斯遊羣宿受交分行敦情
契遺文在篋贈言猶佩撫孤追往泫然流涕子子丹旒翩翩素
帷鵬予是月龜從有時路出長阡將赴京師旨酒觴哭君江湄
往矣子厚魂期來斯尚饗

文苑英華卷第九百八十七

登仕郎胡 柯 鄉貢進士彭 叔夏 校正

文苑英華卷第九百八十八

祭文十一

交舊十一

祭柳員外文二首

祭吏部韓侍郎文一首

祭劉巡官文一首

祭座主兵部尚書顧公文一首

祭清河李少尹文一首

祭韓令公文一首

祭豐州李大夫文一首

祭李侍郎文一首

祭中書常相公文一首

祭李司徒文一首

祭柳員外文

劉禹錫

維元和十五年歲次庚子正月戊戌朔日孤子劉禹錫御哀扶力謹遣所使黃孟美具清酌庶羞之奠敬祭于亡友柳君之靈嗚呼子厚我有一言君其聞否惟君平昔聰明絕人今雖化去夫其無物意君所死乃形質耳魂氣何託聽余哀詞嗚呼痛哉

嗟余不天甫遭閔凶未離所部三使來予憂我衰病論集作論是以苦

言情深禮至疑密重復期於集作以中路更申願言途次衡陽云

有柳使謂承集作復前約忽承訃書驚號大呌如得狂病良又問

故百哀攻中涕洟并落竟竟震起集作越伸紙窮竟得君遺書終

絃之音悽愴徹骨初託遺嗣集作知其不孤末言歸轉從柩先域

凡此數事我在吾徒永言素交索居多遠鄂渚差近表臣分深

想其聞訃必勇於義已命所使持書徑行交道尚終當所集作必

加厚退之承命改牧宜陽亦馳一丞候於便道勤石垂後屬于

伊人安平宣英會有還使悉已如禮形於具集作書書嗚呼子厚此

是何事朋友凋落從古所悲不圖此言乃為君發自君失意沉

伏遠郡近遇國士方伸肩頭亦見遺學集作草恭辭舊府志氣相

感必踰常倫顧余負豎營奉方重集作萬里猶冀前路望君銘旌古

之達人朋友製蜀本作別服今有所厭其禮莫伸朝喃臨後出就別

此南望桂水哭我故人孰云宿草此慟何極嗚呼子厚卿真死

矣終我此生無相見矣何人不達使君終否何人不老使君夭

死黃天后土胡寧忍此知悲無益奈恨無已吊之不聞余心不

理含酸執筆輒伸復集作復中止誓使周六同於已子魂兮來斯知

我深旨嗚呼哀哉尚饗

為鄂州李大夫祭柳員外文

前人

嗚呼至人以在生為傳舍以軒冕為儻來達於理者未嘗惑此

昔余與君論之詳熟孔氏四科罕能相侔惟公特立秀出幾於

全哭才之何豐運之何否大川未濟乃失巨艦長途始半而喪

良驥摺紳之倫孰不墮淚昔者與君交臂相得一言一笑未始

有極馳聲日下驚名天衢射策差池高科齊驅携手書殿分曹

蓋曲心志諧同追歡相讀或秋月銜觴或春日馳轂旬服載菁
同升憲府察使之列斯焉接武君廷外郎予侍內闈出處雖間
音塵不虧勢變時移遭罹多故中復賜環上京良遇曾不踰月
君又即路遠持郡符柳江之壩居陋行道疲人歌焉予來夏口
忽復三年離索則又音訊屢傳篋盈草隸架滿文篇鍾索繼美
班揚羞肩賈誼賦鵬屈原問天自古有死奚論後先痛君未老
美志莫宣遭迴世路奄忽下泉嗚呼哀哉令妻早謝穉子四歲
天喪斯文而君永逝翩翩丹旆來自遐裔聞君族櫬既及岳陽
寢門一慟貫梨棗腸執紼禮乖出疆路阻故人奠觴莫克親舉
馳神假夢莫獲寤語平生密懷願君遺吐遺孤之才與不才敢
同已子之相許嗚呼哀哉尚饗

祭吏部韓侍郎文

李翱

嗚呼孔氏云

集作去

遠揚朱恣行孟軻拒之乃壞于成戎風混華

異學魁橫兄常辨之孔道益明建武以死文卑負喪氣萎體販

剽削不讓儂花鬪葉顛倒相上交兄之為思動鬼神撥去其華

得其本根開

文粹作開

合惟駭驅濤湧雲包劉越羸並武同殷六經

之風絕而復新學者有歸大變于文兄之仕官

文粹作官

岡辭於艱

文粹作子難

疏奏輒斥去而復廷

集作廷

升黜不改正言承聞貞元十

二兄在汴州我遊自徐始得兄交視我無能待予以友講文析

道為益之厚二十九年不知其义兄以疾休我病臥室三來視

我笑語

集作言

窮日何荒不耕會之以一人心樂生皆惡言凶兄

之在病則齊其終順化以盡靡憾

文粹作感

于中別我

集作別

千萬意

如不窮臨喪大踟決裂肝胃老聃言壽死而不亡兄名之垂星

斗之光我讓兄行下于太常聲殫天地誰云不長喪車之來

集作東

我刺廬江君命有嚴不見兄喪遣使奠等百酸攬腸音容若在
曷日而忘嗚呼哀哉尚饗

祭劉巡官文

前人

維元和七年歲次壬辰九月景辰朔十五日庚午觀察判官攝
監察御史李翱等謹以清酌庶羞之奠敬祭于劉君之靈我等
與君同列賓筵共食偕行歲辰再廷公事多暇嬉遊自般柳垂
於集作于塘荷秀于州或泛在水或登在山歌菜酒終觴饋往还
笑言無雲咸盡其歡君實強實強盛時惟壯年宜哉壽考福祿
來臻奈何遭疫集作疾針藥弗痊日異及初憂危遽傳長路未極琴
書忽損嗚呼哀哉堂有老母室有少妻幼男稚女蜀本作幼女稚男或童
或孩發聲怨切予者酸悽附葬舊域墮喪以歸已矣劉君自古
如斯有肉一豆有酒一蜀本卮我來告集作別去去長辭嗚呼

哀哉尚饗

祭座主故兵部尚書顧公文

呂溫集無

精重春思虔志繫於安危弘此教義我獨受命求人報天工惟
靈選藝器必搜賢松菊有烈薰猶在前妍啻自分衡鏡高懸潛
符希夷化若神仙道貫品類心冥陶挺歸吾至精復命上玄物
不可棄道由爾全毛翔為鳳殼蛻龜蟬萬類俱適三清晏然伊
昔仲尼其徒三千命不可求文實在焉微言謹存正氣莫宣用
苟登席希徒執鞭曷如清特文柄克傳髦必舉典謨備甄中侍
六載內朝十年三司秋賦五掌春銓翼翼京師教化之先肅恭
誠敬昭章可傳肯成周左伊右渥乃命保釐撫我三川資仁感
義與道周旋煥乎成功疑若崇嶺刀鉞兵車利革堅乃脩農畝
闢隴開阡榛穢荒蕪化為良田于澆溝瀆流為清泉忠至誠達

思焦身損醴甘必竭膏明乃然嗚呼哀哉驛騎宵馳皇慈中激
后復真質臯還魂魄新命簫鼓旧原松栢陵谷可移德音不易
嗚呼哀一作痛哉播等拔自諸生昇為王賓念必期於宵漢手親擢
其泥塵播嘗再忝於科第始一命於朝倫感自秉於誠接懼自
已而情均或負知負於一紀或登用於數旬恨俱長而各異哀
靡極而寧伸凡在京兆一十九人四天御史三為諫臣孔門有
光擗夏脩身遠奠雖設用茲慰神馨香可薦醪醴方陳虧歆想
從列拜斯文伏惟尚饗

祭河南李少尹文

維長慶四年五月十七日福建等州團練副使沈亞之謹遣部
集作吏李權奉酒肴之奠敬祖于故河南少君李公之灵夫哲智
之達塞多繫其時之難集作通故孔子厄而周公降管遇齊而

卒業賈遭漢而不終嗚呼哀哉古昔所集作思所思惟時莫不
我建網不我維民不得濟道安集作得施雖富且遺夫何用為
夫子之道没矣今將遣誰卷清明之特建歸壤厦而藏之哀哉
尚饗

為韓尹祭韓令公文

前人

澤梁宋之戎郊涵雄渾於雲水陶沉毅以集作濃剛作耽耽集作
之巨士綿將流於先故集作鼓神濤之在已昔丞相之東征統
梁城之千雉命賓余以掌檄蹤枚馬之遺美見公佩之橫腰冠
衙棋於宋壘及夷門之節卧余奉歸于故里寧後者之無當鴻
集作顧集作狂埃之集作勃起司馬啖而賓徒烹血肉肆而為市何繼師
之無作始公之功由是伏豺豹於神狎遂寧清乎千里聞君書
於天閣帝嘉悅而志耻嘗叙族以姪余謂同源於康子言康樂

於一方竟綿歷乎再紀廩蓄衆集作衆以億計積有餘而流委握甲
馬之萬針惟君王之所指撲淮童與齊薑田烹冰以燎常想集作視
燕趙之強侯若負墜之群蟻彼承風其如何聞當飯而遺集作乃
集作柱天而轍日信博壯之可倚逢諒陰集作之初晨遂踐阼而爲
治推轂之昇壇河橋之廊時恩光被以湛稠仍分彊以及嗣尊
北集作年之來觀見差班於父子復何殃之不造處相進而沒齒
榮華之不道之條云乎已矣悼皇情以注想每凝襟而撫宸錫
祕物之必周余將集作命爲臨視近壤厦之將駕導清笳於哀徵
鑿卑志之絜恭願降飲而省此嗚呼哀哉尚饗

祭

嗚呼齟齬之年獲見大夫自成器異於郡倫自降而遷垂三十
春服義懷德遠而逾親靈州不協坐謫三楚殿服徂征高館晤

語謂天之道正真是與捧手欲辭以心相許群后抗疏頌集作公
而無辜羽林森森天授丘符適值南還穎耀神都風天雪夜員
酒相呼帝命并土喜公爲副令尹是毗賢王是輔嗟我小子此
焉婚娶贅弊既求酒牢亦具河外西城扼故鎖戎詔遷大夫開
府其中平生相知招我以弓竟迫方寸不能從公自此違奉無
由詣謁終繹篇章綢繆書札不聞嬰疾不得留訣倉卒一辭寂
寞長別嗚呼哀哉惟先將君有庸有勲及公嗣興武不害文義
分如霜志氣干雲頭蓬面垢報國事君土田未封旄鉞未受天
實福善神胡爲咎埋沒黃沙摧踐白首雖以瞑目豈能鉗口孤
旒翻反葬秦川經過故府張望新阡魂氣何之音容悄然攀轅
薦奠苦淚潺湲

祭李侍郎文

白居易

維長慶元年歲次辛丑五月景仲朔十日乙巳翰林學士守中

書舍人

集作中散大夫守中書舍人翰林學士上柱國賜紫金魚袋

元稹朝議郎守尚書主客郎中

制誥白居易謹以清酌庶羞之奠敬祭于故刑部侍郎贈工部

尚書隴西李公杓直之灵於戲代重名義公能佩服德潤行

彬彬

集作温温

郁郁有譽善者如蟻慕內時重爵位公負植幹天官

是攝司寇是贊

集作春秋天官是攝是贊

尚書六職公理其半朝重文翰公

掌詔令西閣絲言內庭密命公實出入迭操二柄家重隆盛公

暨

兩掖中臺差肩接武青赤華叔出季處門重婚嗣公聚

令族鎗鎗振振和鳴似續男七人五珠二玉年重壽老公亦云

老心雖壯健髮已華皓五十加八亦不為天人重康寧公体豐

盈迫乎奄忽不失和平啓手足夜無呻吟聲古稱五福公有七

福凡人得一死猶瞑目矧公兼之豈有不足所不足者不在公

集作共

身怏怏惻惻其在他人為門戶惜主為骨肉惜親為吾濟惜

良友為朝廷惜賢臣况積也不才居易無似辱與公游十九年

矣昔貞元年

集作歲

俱初筮仕並命同官蘭臺令史以公明達以

我頑鄙度長絜

集作絜

能信非倫擬一言

京本

合不知所以莫逆

之交實

集作責

從茲始間登清近

集作清近

遞罹說毀江澧通州左廷

萬里或合或散一伏一倚浩浩世途是非同軌齒牙相軋波瀾

四起公獨何人心如止水風雨如晦鷄鳴不已不因紛阻孰辨

君子以膠投漆如弧有矢所以綢繆見于生死前年去年次第

徵還或先或後俱到長安水流火就松茂栢懽置酒欲飲握手

何言初論瘡癘次叙艱難三心六眼同一潛然植與居易旋登

禁掖分領銓衡職勤務劇私室多故公門少隙歡會實稀光陰

虛擲互相歡勉急務適且日朱顏已去白日可惜花時集作寺春朝

松園月夕大開口笑滿酌酒興言約則然心期未獲嗚呼杓直而忽我遺棄我何處集作處捨我何之豈友真歸寂寞集作莫然而無所爲將精多魄集作魂强的然有所知况如聞多條如覩未甘心於永辭彼有灵兮此有夢胡不一來多質我疑逝川渺其不迴之日月忽乎有時指岐不以歸拊備大葬之威儀禮有進而無退祖於庭而遂於京本作之幾姓竿舉多轆輪動遂不得少留乎京師嗚呼杓直其鑒于茲爵盈不飯豆乾不食如之何勿思公兒號我公馬嘶我如之何勿悲嗚呼杓直已而已而哀哉尚饗

祭中書常相公文

維大和三年歲次己酉六月己酉朔三十日戊寅中大夫守太子賓客分司東都上柱國晉陽縣開國男食邑三百戶賜紫金魚袋白居易謹以茶果之奠敬祭于故中書侍郎平章事贈司空

常公德載惟公忠貞大節輔弼嘉謏倚注深恩哀榮盛禮伏見冊贈制中已詳惟公世祿官業家行事風茂學清詞冲襟弘度伏見禪誌文中已詳此不重書但申夙願公佩服世教棲心空門外爲君子儒內脩菩薩行集作常接餘論許追高蹤元和中出守開忠二郡日公光以喻金鑛偈相問徃復再三繇是法要心斯如相會合長慶初俱爲中書舍人日尋詣普濟寺宗律師所同受八戒各持十齋繇是香火因緣漸相親近及公居相位走在班行公府私家時一相見佛乘之外言不及他哲趨苦提交親集作相度脫去年臘月勝業宅中公云心集作必結佛緣無如願力因目開經篋出大方廣佛華嚴經本月字十願品一通合掌焚香口讀手授云自持護始傳一人曾未經旬公即損館追思覆視似不偶然今即日於道場齋心特念一願一禮如公在前以

至他生不敢廢墜至若與公同科第聯官寮奉笑言蒙推獎窮
通榮頰之感離合存歿之悲盡成虛空何足言歎今茲薦奠不
設輦腥庶幾降臨鑒察情集作精意意浮生是紅真諦非空靈鷲山
中既同前會梵率天上豈無後期嗚呼帝君先後問耳伏惟尚饗

前人

維大和四年歲次戊戌七月癸酉朔十九日辛卯中大夫守太
子賓客分司東都上柱國賜紫金魚袋白居易內重表弟朝請
大夫守少府監上柱李翱謹以清酌庶羞之奠敬祭于故相國
興元節度使贈司徒李公惟公之生樹耳名集作名致節忠貞諒真
天下所仰惟公之歿連集作遭罹禍變京本作亂冤憤痛酷天下所知
雖千萬其言終不能尽於集作故茲奠次但寫私誠居易應進士
時以鄙劣之文蒙公稱獎在翰林日以拙直之道蒙公扶持公

雖徇公愚則受賜或中或外或舍或離其闊綢繆三十餘載至
於豆觴之會軒蓋之遊多奉光塵最承歡惠眷遇既深於常等
痛憤實倍於衆情永訣奈何長慟而已翹情兼中外分辱眷知
綿以歲時積成交旧敢申薄酌集作奠庶鑒微衷呼嗚哀哉伏惟
尚饗

文苑英華卷第九百八十八

文苑英華卷第九百八十九

祭文十二

交舊十二

祭元相公文一首

祭崔相公文一首

祭崔常侍文一首

祭處州李使君文一首

祭周相公文一首

祭蕭侍郎文一首

祭宣武王尚書文一首

祭太常崔丞文一首

祭元相公文

白居易

維大和五年歲次辛亥十月乙丑朔十七日辛巳中大夫守河
南尹上柱國晉陵縣開國男食邑三百戶賜紫金魚袋白居易
謹以清酌庶羞之奠敬祭于故相國鄂岳節度使贈尚書右僕
射元公微之靈惟公家積善慶天鍾粹和生為國楨出為人瑞
行業志略政術文華四科全才一時獨步雖歷將相未盡謨猷

故風聲但樹於藩方功利不周於夷夏噫此蒼生之不大遇也
 在公豈有所不足耶詩云淑人君子胡不萬年又云如可曠兮
 人百其身此古人哀惜賢良之懇辭也若情理憤痛過於斯者
 則號叫噓集作嘯集作鬱之不暇又安可勝言哉嗚呼微之貞元季年
 始定交分行止通塞靡所不同金石膠漆未足為喻死生契闊
 者近集作此字三十載誦詩唱和者九百餘章播於人聽集作問今不
 復叙至於爵祿患難之際寐寤憂思之間誓心同歸交感非一
 布在文文翰今不重云君德天成公并左丞自越過洛醉別悲吐
 投我二詩云君應恠我留連久我亦與君離集作辭別難白頭徒
 侶漸稀少明日恐君無此歡又云集作白識君來三度別別遮
 遮集作迴白盡老鬚鬢戀君不去君須會知得後迴相見無吟罷
 涕零執手而去私恠集作其故中心惕然及公損館於鄂悲訊

集作忽至一慟之後萬恨集作交懷覆視前篇詞意若此得非
詩魄兆將先知乎集作先無以繼寄情作哀詞三章集作今載於
 是以附奠文其一云八月涼風吹白幕寢門廊下哭微之妻孥
 親友來相弔唯道皇天無所其二云文章卓犖生無敵風骨精
 靈沒有神哭送咸陽北原上可能隨例作埃塵其三云今生豈
 有相逢日未死應無暫忘時從此三篇牧淚後終身無寢更吟
 詩嗚呼微之始以詩交終以詩訣弦筆兩絕其今日乎嗚微之
 三界之間應不生滅集作孰集作四海之內誰無友集作朋然以我
 爾之身為終天之別既往者已矣未死者如何嗚呼微之六十
 哀翁灰心血流集作引酒再奠撫棺呼佛經云凡有業結無非
 因集與公緣會豈是偶然多生已來幾離合歸有今別寧無後
 期公雖不歸我應繼往安有刑去而影在皮亡而毛存者乎嗚

呼微之言盡於此尚饗

祭崔相公文

前人

維大和六年歲次壬子十月庚申朔二十四日祭朱中大夫守
 河南尹上柱國晉陽縣開國男食邑三百戶縣紫金魚袋白居易
 易謹以清酌庶羞之奠敬祭于故相國吏部尚書贈司空清河
 崔公敦詩惟公德望事業識量集作度操履為時而生作國之紀
 巖廊輔弼集作輔藩部政理集作治父母黎元股肱天子斯皆談在
 人口播於蜀本人耳今所叙者春知而已於戲自古及今實重
 知音故詩美伐木易稱斷金始愚與公同入翰林因官識面因
 事知心獻納合章對揚聯袂以忠相勉以義相箴朝接集作同
 食夜狀並衾綢繆五年情與時深及公登庸累分戎閫集作鏖愚
 亦去國出領符印徐宣外集作遠部忠杭殿都鴈去寄書湖來傳

集作得

信無由會合只望音問未卜後期但敦前分集有餘字大和之

連微歸期公長涼本夏司愚二秋曹玉德彌堅集作温壯集作心

不凋南官多暇慮接遊遨竹寺雪夜杏園花朝杜典春晚潘亭

月高前對青山後携濁醪微之夢得慕巢師高集作阜或微雅言

酣詠陶陶或命俗樂絲管嘈藉嘈草蔭松枕麴舖糟曾未周歲

索然分又授鉞南撫荆蠻報政入觀復物心天官愚因謝病東

歸潤灑方從四皓旋守三川日集作時蒙訊問時集作日奉周旋豈

無要約良有因緣洛城東隅履道西徧脩蓮迴合沅水潺湲與

公居第間集作卷相連與公齒髮甲子同年兩心相期三迳之

間優游携手而終老馬嗚呼易失者時難謀集作者天既奪我

志又殲我賢丘園未既館舍先損百身莫贈一夢不還鬻佳

城茫、九原淒涼蕭鼓慘澹風煙祖奠遲、泣涕連、平生親

友羅拜極前賢人已矣天地蒼然嗚呼哀哉敦詩尚饗

祭崔常侍文

前人

維大和九年歲次乙卯二月景子通鑑目錄同此集作丙午朔七日壬申當

午集中大夫守太子賓客分司東朝上柱國賜紫金魚袋白居易

易謹以清酌之奠敬于故秘書監贈禮部尚書崔公惟公之世

祿家行文華政事播於時論此不復云今但叙舊好寫哀集作

誠而已嗚呼居易兄弟與公伯仲前後科第同登者四五辱為

僚友三十餘年集有又字膳部房某集無與公同風集作塵之遊定

膠漆之分兩家不幸十年以來哀集作是疊所鍾零落殆盡我老

君病唯余二人天不憖遺公又即世不登大位不享永年夙志

莫申幽憤何極居易方屬疾恙不遂執紼遣姪何龜往展情禮

此如不祭痛當集作亦痛奈何嗚呼重易平生知我寢門一慟可得

而間乎重易平生嗜酒真造一酌可得歆乎嗚呼哀哉伏惟尚

饗

祭處州李使君文

杜牧

維會昌五年歲次乙丑某月日池州刺史杜牧謹遣軍事押衙

王鏐以清酌庶羞之奠敬致祭于亡友李君起居之靈憶昔相

愚兩未生髮京師衆中跡猶甚疎一言道合盡寫有無我於宣

城忝跡賓吏君隨慕府東下繼至復與友人故薛子威遊追適

願如相期為集作為期於談劇論集作於各特是非攻強討深張干

集作予穀機怒或艱赫終成笑嬉於後七年君拜左史來蜀西川

我官補闕云媿我先拜章請法蓋私我焉我有家事乞假南來

脩行里弟君出離杯令弟在席恣為詼諧耳熟膽張觥連相狎

我歸墜馬一支幾摧君來我坐側倚旁隈持簡集作酸吟戲口

猶聞云君我殺以酒相家忌我才及我南去君刺池陽我守
黃岡葭葦之場唯君書信前後相望詞意纖悉勉我自強律我
情性補短裁長一函每發况憂併忘幸會交代洽檝若飛江上
九月涼風滿衣為別幾時多少歡悲志業益廣不可窺知長人
之術首集作為吏師縱酒十日舞袖傲垂語公之餘且及其私
許以季女配我長兒莫云稚齒可以指期各負少壯輕後會時
愚居宣城書禮札日馳一疾不赴訃來猶疑嗚呼哀哉惟先僕
射儉德冠古凡二十年四領茅土所至所治日人父母官俸餘
年委庫不敢京師里第蓬茅數畝慶餘生君曰天酬補何聰明
才智考不使施為何付與之多兮折之何暴天陽地陰高厚相
侔上有河漢晉錯天橫流百刻晝夜平分不饒皎不陰晦一月
幾朝二男三女俗率如此三男二女無有其地君子小人臯日

並列與小人校曾不集作會無百一於百一中與集作秀奪實人集
凡稟陰陽生於其間陽常不勝賢者宜艱自古皆然欲復何言
拊孤一弔拍棺一哭咫尺不遂涕下相續其於沒蔭盡力嗣子
嗚呼哀哉伏惟尚饗

祭周相公文

前人

維大中五年歲在辛未七月辛未朔八日戊寅故吏朝議郎持
節湖州諸軍事守湖州刺史杜牧謹遣押衙司馬素謹以清酌
庶羞之奠敬祭于故相國僕射贈司徒周公之靈伏惟相公之
道徧於天下至如牧者受恩最深爰自稚齒即蒙顧許及在官
途援挈益至會昌之政柄者為誰念集作忍陰汗平多逐良善
牧實忝幸亦在譴中黃岡大澤葭葦之場繼來池陽棲在島僻
左五歲遭遇聖明收拾寃沉誅竄集作罪惡牧於此際更遷相

盧東下京江南走千里曲屈越嶂如入洞穴驚觸濤舟幾至鴈
沒萬山環合繞千餘家夜有哭鳥晝有毒霧病無與醫飢不兼
食抑喑偏塞行少卧多逐者紛、歸軫相接唯牧遠棄其道益
艱相公憐憫極力掀援爰及作相首取西歸授之名曹帖以重
賤魏國太子絳市諫人死而復生未足爲喻旌旆西去拜於都
門賢士大夫無不舉惜皆曰相公事君盡忠保道輕位大張公
室盡閉私門彼由徑者跛倚不進天下賢彦明知所趣集作重
德壯年衆期再入牧牧集作牧守吳興繼奉手示但思休退不言疾
恙訃書集作忽至慟哭問天嗚呼蒼生未濟而喪吾相吾爲蒼
生慟豈獨私恩想像音容思惟恩紀期於令嗣可以効死吳洛
相遠逾於、三集作二千無因拜柩見歸九泉哭送使者致誠奠
遙伏惟尚饗

代李玄爲崔京兆祭蕭侍郎文

李商隱

年月日集有伏字惟靈傳芳華曹稟慶靈源漢朝輔之流輝梁室帝
王之遺懿克生携德彰我体期高表百尋澄陂萬頃及春圍獻
藝會府試才騏驥出塵蛟龍得水頓纓而駕駘尽喪乘氣而鼈
蜃皆空憑峻遠天躑躅長道是將筮仕集作光乎搢紳侯國從
知大朝就選祕寶宜陳於東序朱紱必降於上玄錦帳而居青
縑以覆建礼推尽瘁之續明光多伏奏之勤亦旣遷榮乃司論
駁高居青瑣封還集作拆紫泥使明時無失政之譏大邦無不便
之詔暫辭朝藉往分郡符借寇莫從徵黃甚急方將啓乎良友
進彼令人志豈愛身誓將許集作匡國不謂踈網猶漏斯文集作民
未康作礪爲鹽正俟理平之運依城憑社深懷剪滅之虞上蔽
聽明內求媒近故鴻猷不得而叶贊蒼化莫可以輔成貌是流

離有窘陰雨嗚呼令唯逐客誰復上書獄以黨人但求俱死銜
冤遽往吞恨孤居目斷而不見長安形留而遠託異國屈平忠
而獲罪賈誼壽而不長纒易矣諒遂分今昔粵自東蜀言旋上
京郭秦墓邊空多會葬鄧攸身後不見遺孤信陰騭之莫知亦
生人之極痛某等頃同班列獲奉周旋分結死生地兼族類依
仁既灼慕德方深始驚南浦之悲俄軫下泉之仆今則年良月
吉筮協龜從顧埋玉之難進歎楚芝之集作而何及牲牢粗潔酒
醴非多聊寫丹誠以申永訣

為絳郡公祭宣武王尚書文

前人

伏惟曾構高基往脩峻址集作為明時載生奇士杜林舅族本富
文理楊惲外甥集作素多圖史朱檻有裕栝羽成美逸足輕從
東之道巨背狹圖南之水匡生明習董氏精專魯壁墜簡汲冢

遺編坐忘流麥出記懷鉛淹中莫敵稷下誰先朝有曲臺時推
奧學明博士之高選資衆儒之先覺殷周損益夔夷禮樂既得
根源盡除踏趺粉闈假途集作諫署楊輝吾寧訐訕時好依違

周舉上章唯求主悟賈生草疏一作諫一作豈畏人非用之則至捨之

則歸旋領藩符俄司國計鋤革煩冗條明課第鄙晉室之鬻練集作
疑作練小漢朝之造幣前等未借歛笏還家再北非罪三黜何

嗟淮陽勁兵賴水毫族既佩新印仍推舊轂杜當陽何嘗跨馬

雄士集作爭推祭征虜不廢投壺師人自睦夷門地古梁苑藩

雄雙旌大旆二子重弓無忌御車唯求隱者相如謝病乃慕高

風方將副帝注心從時大願率周廟之奔走惣漢庭之議論人

之下不幸今也則亡莊子孰分其魁颯秦醫莫救其膏肓馮沼

波瀾空聞怨咽兔園臺榭祇見荒涼其獲顧尤深蒙知甚早公

昔分茅愚集作當作視草於劉向論思之時贊孟舒長者之號及
茲出守實介親隣音徽繼好寤寐依仁常期異日克奉河塵何
言永慟屬此佳辰訃哀如昨歸輟攸遵林薄莽蒼川原隱磷想
諸葛之旗鼓空還舊壘念伯喈之書集作籍已付何人候館攸
開丹幡還至瞻望衛幕連綿秦時寄奠申訣緘詞寫意終阻願
於親躬徒加哀於殄瘁嗚呼哀哉尚饗

為濮陽公祭太常崔丞文

前人

年月日惟靈太岳繁祉安平望族潤地勢於長源構堂基於脩
麓藍田之產宜有良玉徂來之林宜無凡木昔我待于松王子
間冀十城之得價望千尋而可攀大年不登逸足方馱松欵秀
而先壽玉將攻而遽毀問問之時歎悼何已惟我承之授命南
征一言相許携手同行夏絕萬里飄泊雙族念兩婢之價倍媿

五殺之酬輕地接殊隣風移中土五嶺三江炎威瘴雨釣犀之
潭跼為之渚席上從容幕中宴語先防載蕙之謗更示投香之
所因使庸虛不懼罪罟越井之首緩之女時清則銅集作鏘集作納
酌歲稔則銀簪叩鼓豈我之自唯予是與相從來觀又往于涇
風埃古戍霜雪孤亭徧集作繁集作非之服縵胡之纓塞迴而晨嚴刁
斗沙平而夜警堞零指我以虜隙勉我以武經正慰窮邊集作俄
忽還京邑北庭減價南轅一作肩泣章臺辟祿方喜趙嘉之來
棘署選丞仍見譙玄之入是焉踐歷更後飛翻况乎鳳沼又棲
領原何豐成於燥濕而屬結於塞暄未及西山之藥旋為東岳
之鬼憶昨舊許負歸青門出餞樂作而難起杯行而淚泫俱容
與集作讎集作於風波共沉吟於鐘箭揮袂如昨郵書甚頻雖遙道里
未聞聲塵孰謂念歸之日翻為有慟之晨嗚呼哀哉髣髴荒阡

依倚古陌徐動丹旌歸玄宅願報締而身遠想舟而目極迴野
秋思羣山暮色悵白髮之衰翁哭青雲之舊客聊茲寄奠莫寫
酒悲已崔子為我歆之

文苑英華卷第九百八十九

登仕郎胡柯 鄉貢進士彭叔夏 校正

文苑英華卷第九百九十

祭文十三

交舊十三

重祭外舅司徒文一首

祭薛郎中一首

祭呂商州文一首

祭楊郎中一首

祭張書記文一首

重祭外舅司徒公文

此篇非交舊已移八卷親旋門 李商隱

為裴懿無私祭薛郎中文

前人

伏惟靈佐商宣業朝薛傳規門崢層構堂業崇玉生岫芝崔銅
池梧高駐鳳蓮馥停龜有美令人載稱清訓在詩禮樂唯名教
王謝標格曹劉才調清如濯熱之風明若觀朝之燎靈臺委鑿
虛室融和秋水望和春臺上多鄉塾棹鞅文林勵戈硯橫河漢
紙落煙波澤宮裡首棘場揚禁箭去星慙弓迴月怯兩書上第

五辟名公馬鄉賦雪陳琳愈風平臺竹苑淮山桂襲營分細抑
幕染蓉顯備臺僚榮徒集作憲秩冠我鐵勁衣明繡密霜下端

簡風生落 筆庭夜烏迴天秋隼疾帝念先職任予諫垣依違
絕想徒容敢言攀檻而空留跡在削藁而不見書存女史護衣

大官供食伏奏多可分曹著績帳暖錦麗闈明粉白題柱以如
田一作非亦續金而類直漢榮出牧晉議州立鹿袴歌送劉錢贈

行濟南之誅臣猾揚州之試諸生虎去江靜珠來岸明神豈好
謝天寧秩禮壽華國之名品喪士林之模楷使為善者奪氣求

仁者解體已不駐於鄉雲竟何窺於狀濟長荆樹古茂苑山春
楊稅既集茶征是親鷓渡雪而去遠鵠下亭而唳頻翟虜氛興

殷楹夢起帳八飛鵬狀驚鬪蟻節玄知數阮瞻無鬼終自膏育
傳於骨髓嗚呼哀哉丹霄萬里建不千尋坦坦清路幢集作曉

陰三襲臺迴九重禁深中懸旒宸下集華簪無非東箭盡是南
金或扶傾作棟或望旱為霖顯允明公宜膺百福暗神昧天長

景促青女變霜曦和納旭悄隨掌以銷璣慨周閑之衰駟永惟
清族本富才人有弟則陸無兄不苟原鷓弈沼鴈馴馴珩奇動

楚璧貴傾秦永矣彼蒼胡然人事但續椿壽徒高鶴位摧壓光
賈掩淪聲味穎不濁而殄灌宗淮來絕而傾王氏某甲因承中

外集作早獲奉恩知通孔李道 德之舊廉盧集作劉姻戚之
私鑄顏有契全趙為期靜龍門之風水剗羊腸之嶮巖空欲銘

恩何酬樹德庇孤根於高援許嘉姻於弱植將歡宋子俄放湘
南綬黃楚徼贖白昭潭歸止未卜棄予是甘許靖之悲方極王

槩之憂不堪猶如重言將敦約玉無改行金不如諾最夫義於
幽沉 軫遐心於漂泊使者尚在凶書已來鴈足空遠魚腸不

迴淚和峽雨哭振巴雷孰澆枯鮒誰藝寒灰今則言去柳江當
移澧浦稍脫疑網猶懼罪罟念申慟以無期豈沉寃之可吐嗚
呼哀哉執紼路阻佳域望賒凌空之翼上漢無槎或期他日或
及中華認楊公之石馬撫周苞之辟邪邦况良治規存遺經業
在臧孫有後魏萬心大敢期陋質終託餘光帝平之紹無望秦
晉之昏姻豈志絮酒無幾生芻是將辭多失次涕數無行異柱
旌之不遠簡珮之餘芳嗚呼哀哉

祭呂商州文

前人

惟靈族光鈞渭慶顯歌齊竹分東箭玉奪南圭逶迤霄露睥睨
雲梯淺牙洞鼠又分犀古聖堂奧前賢町畦湔腸効藥刮膜留
筓彈琴而於臣見澤賣賦而妬后還閨既步京國亦薦鄉里與
田蘇遊有太叔美鄴都水運洛陽蔭何晏神仙張良女子禮闈

之擅譽也如彼冊府之傳名兮若此囊成內殿之帷書貴皇都
之紙中臺南省諫署戎藩才難價重政舉人存蓮池易曉蘭圃
多暄涵波獨躍弄景孤翻玉粲樓中寧經暇日揚雄宅裏幾弔
遺蒐參差遘憫姜菲成寃漢廷毀誼楚國譏原建禮門內明光
殿外直金既肆於猜疑魏被竟從於沙汰蒙犯霜露支離埃壙
厲山遙鬱於朝嵐澁水傍奔其素瀨猶懷毒草過農井以低窺
尚憶神珠問隋而猶集作獨酌渚宮貳尹相府中郎將申蠖屈欲
復駕行朱轡意氣早蓋輝光訓說則馬季長之居南郡風流則
殷仲文之守東陽劉翫一錢鄧攸五鼓遂解都符來登書府儒
林文囿瑤山瓊圃鈞敷朝闕芸藿夜數瓜當鄭灼之心錐在蘇
秦之股是從佐理于彼東周雷喧洛汜電掣集作舍嵩丘玉泉嘉
月金谷清秋陳思王之羅鞵郭有道之仙舟不無賦詠聊以優

游漢入峽關晉分陰地籍賢太守之政有古諸侯之責載揚筆
陣復清劔氣長卿疇渴士安風痺逝川幾歎於不迴朝露俄聞
於盍至嗚呼昔也風塵投分平生少年雕龍競巧倚馬爭妍開
襟隋岸促膝伊川月中乃共誇科桂池裏亦相務幕蓮劉摎屢
擲畢瓮多眠終以世路紛綸物情推斥撫事傷年減歡加戒路
泣揚子絲悲墨翟縱風至而音來竟月同而地隔建余廉邵及
子頽條華搏旨酒綺席嘉肴各懸章綬俱失簞瓢雖論金而契
在終照玉而顏凋子年之恩魏闕望之之憶漢朝誠知舌在不
竟魂銷書斷三湘哀聞五嶺天涯地末高秋落景重疊憂端縱
橫淚綆漏虬夜促隙駒朝騁怨藻繪之士睢惜陽之亂郢言念
念季託余屬城鷓原鴈序昔日歡情壘圻瘴嶠今朝哭聲慙支
体處亡於手足况足茅不如其集作交生嗚呼厚夜依臺窮泉

訪路已巳金骨嗟嗟玉樹莫和哀挽空陳薄且衛萬里文題誠
託千辭之寄喻異時松楸枯朽羊鬼傾頽草宿苔厚門平關集作
推尚期越禮用寫餘哀灵今不昧儻或來哉

祭長安楊郎中

前人

年月日謹以云之奠祭于宗尹郎中之灵昔莊南華之言物故
則日若巨室之偃歸人陶貞白之語玄機則曰雖頑仙不如才
鬼邈矣高論嶻然深旨有感斯文屬在之子黃河九曲秦華三
峯陽集作亭之友陰晉之東決泝佳氣肝鬲孤風生民之秀唯子
之宗既懼四知亦畏三惑昔佐赤符實毗皇極垣蕩王道昭宣
帝則丹青不朽宛琰是刻狀日升東倅辰在北子之伯仲不忝
前人粉飾賢路柳揚薦紳雲間日下國華席珍排龍俺陸突鶴
摧荀卓爾風標即然流品妍若春耀烈如各稟燕石知媿齊竿

自審咸指路以光銷盡登門而聲寢難信者價重難知者聲清
披沙揀金由是不媿烏散花于今有情刘儒十行孫弘三道直
路猶絃露政如掃筆海驚浪詞園鞠草文場不寫放中心冊死
空留於必實晉千里國漢第一功建幢油碧啓幕蓮紅賓高主
擇顛合人同固不能加減陳掾亦可以喜恕栢公衣繡含香省
蘭臺指赤管朝操青練夜襍佐計相則生聚有經殯集作地是官而
集作則孤終叶籍於惟荔浦言念金昆毀冠裂集作穗帶雪泣星奔宅
裏之荆枝半謝嶺頭之梅萼集作藥空繁陟岡望兄詩客之情何極
歸縣見姊騷人之壽難言者命未謁季良集作梁之醫已革曾參
之病嗚呼平根猶存乃擢戎曹遂荒京令將換清切以扶明聖
不知者生世路繾綣交期孫金盧米百賦千詩桂林崑橋一片
一枝終以浮沉因兼險夷對阜壤之摧落成老大之傷悲尚異

他年或陶良夜酒筵瑟席登闌月榭俱開怨別之襟並自分岐
之駕短影未果集作短願未果良辰不借竟鬱結於深哀條淹淪於大化
况南康解榻早降清光會極繼組昨辱餘芳情集作積分逾極銜
哀更長三十年之間難追桂事王千里之外正恨殊鄉地闌山
深川寒樹古查夜玄荒荒集作荒荒宿莽生金認石理王恨土寄剪
緘詞呼風涕雨噫戲噫戲宗尹之奄來否

祭張書記文

維會昌元年歲次辛酉四月辛丑朔二十日庚申隴西公榮陽
鄭某隴西李某安定張某昌黎韓某樊南李某謹以清酌之奠
致祭于故朔方書記張五審禮之灵嗚呼古有不重千金殊輕
尺璧或號百夫之防或作萬人之敵雖爭雉角秀殊塗異迹念
閱水於千齡若衝颺之一息吁嗟審禮寧或免之睽睽巨臯方

口疎髭始自渚官來遊帝里論激懸何文酬段綺体物稱最登
高擅美良時不來躁進爲耻門巷蓬蒿荒涼如此藩溷筆硯寂
寥而已梁多文士漢有賢王獮市駿骨肯驚夜光長裾既曳建
筆誰當臧高蓮幕官帶芸青袍若草自簡如霜東閣朝暖西園
夜涼震豈集作起殺公謀唯故吏渭濱迴流馬之運峴首奉詞曹之
諱松筠不改琴樽有寄三逕方營一畝之地多文爲富無事當
貴亦解客朝還答賓戲迴翔逸軌傲晚重霄將期晚節更峻清
標懸虵結疊闔蟻成妖迴生之祖洲之草續斷無弱水之膠陳
屍重來而何望楚魂一散而難招嗚呼神道甚微天理難究桂
露販龜年鶴壽在長短而且然於妍醜而何有某等早承餘眷
晚獲聯姻或咸極外家延自出之念或恩深猶子多引廷之仁
或敬屬文人之或情兼內姊之親有美吾姨慶灵攸屬尊公則

師長庶僚人則儀形六族門高再世之侯家享萬鍾之祿經過
欵狎出入遊陪映人玉潤覆水蓮開春歸別墅月滿高堂稽山
傾倒謝雪徘徊惜景而繩欲繫邀歡而秉燭相催中歎乖離今
多至止仲叔辭辟而方返梅福罷官而未幾一則歸從迴鴈之
峯一則至自跼鳶之水方將爲笛裁竹緣箏斬梓驅羿射鴻招
何釣鯉豁契閣於屯夷極平生之宴喜良覲雖屢深懷未從三
灵莫効一夢俄終露先寒而墮葉漏未盡而聞鍾今則列樹開
封襟著得絳旒前引桐棺後出隱軫原野淒涼風月集作日將歸宿
莽之庭欲閉青松之室殷勤集作買偶冀望諸孤未歸下國且寓
皇都江遠唯哭天高大集作且呼必有餘慶非無後圖嗚呼哀哉
壺有芳醪俎多肥牲呌噪不聞精靈何處鬱憤徒極含辭莫叙
莫有鑒於酸嘶庶無乖於餽集作餽飲

文苑英華卷第九百九十

登仕郎胡

柯

鄉貢進士彭

叔夏

校正



卷一